



玉茗堂詩集卷之八

七言律

蘇州吳梅

字聖安別號霜厓
1888—1939

藏書

臨川義仍湯顯祖著

甄胄天羽沈際飛選

○同宣城沈二君典表背術術宿憶敬亭山水開

元寺題詩君典好言邊事

銅駝杯酒舊慙慙，遊子孤身同片雲。
戶裏敬亭猶合沓，陵陽仙館日氤氳。
比丘百句終無學，黃石三篇定有聞。
莫信林中都未有，風心時動沈林文。

筆意矯舉

○○詠馬蹄夾贈

朝使

半字鮮警
高崖急澗
之處一嘶
其間此景
可畫

夏程用再
貢

捕畫甚有

朱雀即鳳

王老堂詩集 卷八
鞭程曾未到金鷄底便臨河刷馬蹄此日涇流榮落
渚幾年霜雪在雲泥桃花影亂溪中色竹箭流懸天
牛嘶儻過濯龍門上望瑤池一一駕黃鸝金鷄雲南
山也雲南

馬蹄多着鉄護之名鉄草鞋此云馬蹄夾未知是
否○未到金鷄當是朝歸之使不當云倘遇濯龍
門也豈將歸而未發尚暫留京師者乎又涇流洛
洛非北京水豈別有典故屬馬者乎然詩意自妙
○金鷄城前望白水有懷
此金鷄當是湯君古鄉
城之名非上篇金鷄

金鷄城前花未稀白水莊前人正歸詎道園林初服
晚獨憐江海寸心違○六○朝○絕○唱○芳臯夏翟羣
衡翳繡箔春蠶半○更○妙○
上機不少當年琴釣友去來還得藉音徽頸聯二物
俱自應上

聯初服晚寸心
違結亦自照應

哭女元祥元英

徒言父母至恩親歎我曾無兒女仁隔院啼聲揮即
住連廊戲逐避還嗔周星並是從人乳四歲何曾傍
我身不道竟成無限恨金環再覓在誰人却是男兒矣

答客

百鎰年來資用多宜用李長吉捲起黃回魚身瀉之大行西北斷黃河何人畫閣題朱

雀句邪幾度匡山尋白鷺倚芳自澆紅藥圃桃蹊分映紫

莖波終知萬事歡難並且進樽前長短歌

○問棘堂

問棘堂前舊草筵，百年生活勝焦先。娟娟樹底青羊出，歷歷江頭白鳥懸。計牒古人隨下吏，遺榮初此學中仙。荆關獨抱歸來意，日落平林生細烟。

○江郊

自槎終日俯江郊，分作漁人坐釣茅。甲乙帳嚴徒在想，丙丁書部不曾抄。玄廬動覺焦螟響，曲徑平窺乳雀巢。正憶青門舊書屋，秋風橘柚有黃苞。

○望樟原

稍從西日望樟原，漠漠生烟迷遠村。石磴紅泉非外

或句食二

獎，玉池清水即靈根。尊生且翳桑榆樂，取世空資桃

妙

李言懶慢松門成，獨倚淡雲微月染黃昏。

○白水

庭光欲盡山明歸，古木溪頭燈火微。客子行舟隨地

妙

雀名最多

轉，聞人破鏡一天飛。多名楚雀暮枝急，無數河魚春

水肥歸去文昌門外井，紅桃香露滿人衣。

○舊宅

北斗橋闌舊井牀，清池舍後匝楓樟。嚴君別道桑麻

淺處能深

破鏡詎用古樂府乃從前解者詛也自妙

謝靈運句

長太母惟誇橘柚芳，一社友朋隨大屐。十年抄纂自巾箱，飄搖獨笑長安日。寄臥靈臺真慨慷。格律自老

○從太母飲伯父園

家園作酒侍尊親，盡日能閒小葛巾。藥架雙雙行畫鵲，荷盆一一鏡紅鱗。松楓正合陰長夏，桃李徒言嬌上春。底復清齋畫王母，我家原有魏夫人。大母魏姓

○南禪寺尋饒崙不見

香山香海自香楠，我友為師弟子參。三市管絃無梵妓，一城花草借雲嵐。空知五住人難住，盛欲千談何

禪語能化

處談乞食了。時來入定悠悠俱作自纏蚕。梵妓用阿難事

、秣田

南風越鳥自翩翩，舊日匏瓜茲又懸。世故可能棲迹久，風塵難得道心堅。爰從北海收芝課，乍向東坡芸秣田。生事偶然隨意愜，衡門朗詠得長川。

越鳥喜南風人各從其好下文皆此意

、招楊生以善

用古樂府

寂寂楊雲罷草玄，萬言誰當一囊錢。荷花作鏡空持照，桂樹為舟好遡沿。到處關河成物色，拚隨魚鳥得留連。不妨城市多來往，並醉藜牀枕易眠。

古雅之甚

○正覺寺示第儒祖

爾兄才地本無餘，長日東臯自秉鉏。為道三荆愧同處，仍從雙樹偃精廬。窗間白髮催愁鏡，燭底蒼頭勸讀書。萬卷苦人難一一，三車時聽講如如。

芥頭句俗思不到

○謝廷諒見慰三首各用來韻答之

草澤遄迴詎不逢，美人遥憶淚沾胸。才輕賈馬堂難造，眷重求羊逕有蹤。生意數年塘上柳，繁雲高翳谷中松。能遊剩有東山屐，知在雲林第幾峰。本自同時賦上林，歸來徒剩紫芳心。江城露淡蒹葭

用賈誼升堂相如入室

淺礪戶雲屯，松檜深獨坐。偶然臨素卷，相思時與惜青衿。知君更欲詢賢貴，十二雲衢冠蓋陰。

我峩雙闕屢經過，畏景迴塗蔭荔蘿。過盡花時紅落少，遙臨松曉翠浮多。俱將玄白嘲楊子，獨寫丹青贊

卞和垂榻無言自羞沁，來詩牽率勉酬歌。

○劉石樓有寄石樓君嘗令南昌

此君標勝絕，能清十載辭家官。未成復道游揚非，望始遥將微響答平生。寧知本自憐才意，不並凡人種樹情。今日林間報書往，相思還作豫章行。

文選

青趣

聲調和美

○山齋約徐三一訓不至再約之
披雲臥石偃林微遲汝山齋開夜扉詎道曾無雙屐
響相思徒抱一琴徽次簷暗月初螢著松墖橫烟遠
鶴歸度儻嫌清露濕可能良日更披衣

○寄前太守胡公 并序

善哉莊生人欲為嬰兒吾亦與之為嬰兒明公直
廉謂不可於人則掛冠而去昆明池蓮花無恙耳
不習嬰兒之道百姓憐思至今當時二三君子蜀
劉公為人仁鄣汪公清余公甚義僕時無病而受

古勁

教各不瑕鄙僕後離病斷足府寺矣余公聞去汪
公冗散劉公遂成故物由斯而談聚散豈不悲哉
千金陂何時沆可書懷一首可令意事小童詠之
焉

姜岐事不
可用臨川
太守何至
相迫如此
耶 乃嫁其母

臨川太守自多賢解綬惟君不待年杜密可曾私引
託姜岐長得病遷延誰言去後陂當復正憶年時榻
每懸最是江城無大小說君名字總潛然

此胡太守陂復用
兩黃鶴事甚妙

臨川有千
金隄當是

送前主簿徐君之任貴州

鸞鳳寒連感故栖，故人尊酒不曾携。分霄寶篋留餘照，啓發篇章索舊題。龍里地瞻綦市北，烏羅人在沅陵西。遙知宦業東陽雋，名字何勞更卜雞。

○七夕文昌橋上口占

共言烏鵲解填橋，解度天河織女嬌。織錦機中聞歎息，穿針樓上倚逍遙。新歡正上初弦月，舊路還驚截道颺。并語人間有情子，今宵才是可憐宵。

○閏中秋

中秋玄彩自相鮮，復是清輝不羨前。靈苑是年多占

何曾見閏

月桂華。今夕倍流天。玲瓏剩取珠胎滿，端正添看玉鏡懸。多少離懷起，清夜人間重望一回圓。

寄前觀察許公

并序

達人以法典為楊接，以文字為纏索。世味狂水傳，舍蘧廬絕倫好之知。外陰陽之苦，生則浮雲，死則委土。造物為此拘拘，衆庶方然竊竊。可謂得人之得，未免憂人之憂。豈足聞於大方，論以中環也。明公本植曾史之性，兼懷桑柳之風。斷白眼於緇塵，寫青春於綠酒。大師之箴不作，若士之游未閒。足

妙論

了一生。羞其六闕不美目前之檢。誰憐身後之名。
曠士彌懷道。望云遠。問蹤跡於羅。先生托音徽於
胡郡將。興言洒筆。付之小史。

若士最喜
別古人姓
氏

羅含宅裏問旌陽。見說披裘在牧羊。乍笑園林開白
日。旋聞時菊委清霜。非關校尉真狂醉。自是休元有
奏章。最好開襟濯寒水。昆明蓮葉四時香。

勳襲謝眺

示弟儒祖饒生來言。汝有贈彼衣薄為裝綿之
句。爾兄無任歡喜。即取酒自賀。載詠其事。今
寫示。可令奉祖讀之。

骨肉閒語
不文之文

阿翁明德自高門。桃李蹊成在子孫。見說褌袍能感
故。不勝懷抱與開尊。閒時每怪賢星聚。今日方占玉
樹繁。更有寒岩苦霜雪。好吹陽律散春溫。

○落日城南信步接雲
落日城南峰接雲。浮金美氣生氤氳。真花暫墜林香
軟。遠樹微蒙川氣熏。性狎龍蛇俱可踐。行窮雞犬忽
相聞。童樵未用揮談扇。但道東菑欲就芸。

○二月十九日恭聞 大昏禮成 長秋道始普
天之下莫不欣躍舞抃歌謠

初唐之上
六朝之間
而聲調似
兼兩代

應制體

紫微宮闕正華杠。帝瑞星軒玉女窻。繡鳳蚤連
香陌障。紅氍初繫綠雲幢。乾坤泰合青陽仲。日月光
調璧景雙。蕭蕭佩环天上響。由來風懿偃家邦。

送何衛輝時喜潞藩新出

帝子新封接帝鄉。何郎新命守河陽。江花碧署年光
滿。雲氣蒼梧秋色長。內史未須秦法律。朝歌曾識漢
循良。人傳萬乘旌旗出。總為猗蘭是國香。

送王比部供奉採藥扶持太夫人歸粵比部故

侍御殿中

白雲司發桂花叢。綵袖承親碧海東。潘岳宴林逢金
節。沈郎行藥正秋風。先抽美草占年樂。盛取菖蒲益
帝聰。並道春祠惟坐嘯。也能符遣及花驄。

已丑長至奉陪王趙二宗伯齋居有感

侍從當年玉佩分。長陪鍾律報天文。南遊為占春曹
日。北望還書太史雲。燭殿星華流宛轉。鍾陵雲氣接
氤氳。微臣自結迎祥履。何限金門奉聖君。

懷帥惟審

帥行山陰有
萬壑千山賦

萬壑千山興有餘。仙人署裏賦樓居。只教臥病常中

酒莫道窮愁欲著書煙月西湖人唱晚山川南國雨
晴初相思兩地無相識待向濠梁一問魚

○送王侍御以論耿公歸蜀侍御故吉州人

自是安成舊世家偶隨雲物映三巴吳兒自愛彈文
好楚叟新知物論譁盡舸江連巫峽雨繡衣春作錦
城花君恩未報難高隱剩取餘冠氣觸邪

傳忠愛大
休

送饒太醫歸東邑

涉江初唱越人舟別騎三山接勝遊梅雨潤移江闕
曉麥雲新拂漢祠秋衣冠署牒逃名得洞壑迴春採

藥留見說家園能樹果年年仙杏許人求 安

送吳竟父西歸過運司伯子

蒼兼白露滿秦河年少芳樽玉樹歌別館春情隨夜
盡曲江秋色聽潮過吳儂未斷迷香徑海賦能添出
素波為到故園梅色蚤可堪青髮客愁多

萬壽節送顧郎中北上暫歸省長洲

愛子凌波已十年為郎白首向江天家風自種仙臺
藥鄉俗能歌相府蓮乍可迎涼歸茂苑徑須度暑入
甘泉臨岐况屬天長節暫好朝晨玉珮連

○送程中舍還朝

薇垣清切羨中書，鳳詔啣飛得自如。別路幾逢花樹密，宦情真覺酒期疎。江臯曉色侵行佩，河漢秋星轉使車。爲報太常能吏隱，葱陵長對碧窻虛。

大樓僧真這

銅陵山北九華西，秋浦風烟似會稽。入座但知遊褐履，卷簾誰解對簪珪。新黍漢時神光滿，舊宿花城佛影低。爲憶年時歌吹晚，月明乘醉下青溪。

問薛太學近洙

歸去橫林動一年，薛君章句與誰傳。經聲隱雨初移榻，樹色籠晴欲放船。未許過家營外宅，應須對嶺矚新田。清秋茗椀差饒興，爲寄蘭陵石上泉。

○送方比部北上

念年詞客幾追攀，衣繡居然傲白鸞。往往開帷臨笛渚，時時拄笏對鍾山。生波片席迎潮去，積雨千林送客還。同作南郎清讌少，知君留待紫宸班。

送劉祠部視學南中

漢渚孱陵路不迷，平夷秋色倍萋萋。須過列郡開神

馬未許祠官問碧鷄，文物自連交海北。鄉音半逐楚雲西，諸生盛有談經興。無事相如到若溪。

○戲李季宣

生情一宿盡蘭撓，官裡除身出董嬌。著綻新衣寧惹妬，教成舊曲整看調。菱花似月嫌雙笑，柳葉無風愛獨搖。見說傾城難再得，須拚弱草併纖腰。

送楊武選入都

定擬蘭尊逗夕曛，那堪離思卽氤氳。鄉心半入湖陽鴈，春氣初深河岳雲。自有恩華臨上苑，幾畚精色動

南軍。請看扶道青楊柳，賓從紛紛一送君。

戲贈梅禹金

藕花秋冷菊花殘，惹盡垂楊興不闌。上客向歸留佩語，美人抽怨入琴彈。山中月色流雨忘懷易，水上風心欲寄難。衣帶到家應減盡，還誰先得抱腰看。

送李于田吏部北上

微波木葉自繽紛，雁影離心江上聞。澹蕩平臺過淥酒，青葱別署有玄文。遊吳並道人如玉，入洛懸知客似雲。為笑芳林恒獨賞，明年春色會思君。與送劉祠部等耳

送饒司理順德

伯宗故於予不淺
各亢壯別去悲之

十年棲遶月明枝、一日春粧蕊樹奇、厚祿久無堂上、老長貧多謝里中兒、空恩幅被通寒夏、浪擬緘書有、歲時定過邢臺悲、豫子聲音偏合友人知、

送來黃梅

燕雲如馬去江黃、醉裏籠鞭點驢驪、撲髮柳花吹雨、色、燿衣蘭草襍風香、潛廬半入吳都盡、江漢遙分楚、塞長為過蕪城須縱酒、此中幽恨即難忘、

劉君東下第歸西昌

萬里乘春幾度逢、每逢相見不從容、燕臺自說空羣、馬、仙縣何嘗起二龍、風定擣砧催木葉、月明歌棹倚、芙蓉看君未有清寒色、湛露零空酒正濃、

○答君東天津夜泊

津館蒼茫別未曛、滿簷秋色為思君、風生積海連山、霧、月落長河半樹雲、欲睡動尋千日酒、憐香真惜十、年薰、如何咫尺關南道、只似江空與鴈聞、

○聞蘭谿令謝客戲贈

積阻風霞滿大鄣、河橋春色迸垂楊、桃花片峽迴龍、

影、蘭、葉、深、溪、飲、馬、香、日、氣、遠、銷、金、碧、路、風、光、半、在、紫、
巖、鄉、從、來、仙、令、多、遊、覽、漫、道、鳴、琴、不、下、堂、

送林廷任之進賢便歸閩省

神君出宰謝林巒、鼓角乘秋入建安、待唱白華留客、
醉即看青雪照人寒、江聲暝合風雲路、縣影晴分日、
月灘、莫便河陽嗟宦拙、為儒初着進賢冠、

于中父餉薊邊便歸金壇

雲陽仙吏玉青葱、泛酒蒸桃不再同、少府金錢行餉、
北、長、城、旌、吹、護、歸、東、秋、山、馬、色、河、流、外、古、戍、蟬、聲、木、

在易倚尤

葉○中○日○近○薊○門○邊○候○遠○幾○人○長○劍○在○空○峒○

送周鄴縣

座師余相國家鄴也君便道歸湘潭省其兄方伯殿中君

秋盡明州見海槎、郎官星裡帶長沙、並遊蓮府看偏、
入、暫、向、薇、垣、去、莫、嗟、谷、口、鳴、騶、開、積、霧、潭、心、側、棹、倚、
輕、霞、佗、山、一、種、河、陽、色、并、是、清、湘、棠、棣、花、

蔣蟄父宜春以文履繡胸留別却謝

動筆便來

出谷鶯啼思上林、美人持贈惜離心、雲鳧朔映文章、
重、瀾、渤、波、開、彩、翠、深、平、楚、風、煙、銷、別、酒、宜、春、花、柳、待、
鳴、琴、知、君、盡、舫、歸、朝、日、長、聽、潺、潺、滿、綠、陰、

寄馬長平理廬州
 登高送目海雲東，鳴鴈秋生碣石宮。
 小吏廬江看執法，諸侯泗上待趨風。
 鄉心欲賦梁園盡，別騎纔嘶漢苑空。
 不惜放歌今夜好，與君千里月明中。

○虞惓然在告

不陳
 瓊瓏浮闕定星光，河漢風清有報章。
 秋水岸移新釣舫，藕花洲拂舊荷裳。
 心深不滅三年字，病淺難銷十步香。
 剩有閒情堪弄月，西湖竹色未應涼。

送王淑父理廣平有懷馬長平

輕拋少室踐雲除，見說衙齋好讀書。
 物論幾年推蘊藉，宦情今日喜蕭疎。
 人行涿野砧聲外，雁繞漳河水葉初。
 蚤晚邯鄲應駐節，馬卿原愛蘭相如。

寫身如畫

○送長沙易掌故

秣陵煙雨片帆收，燕子江邊一醉遊。
 白石滄浪隨意晚，青莎襍樹幾人留。
 星光夜發長沙渚，雲氣春銷古玉州。
 舊愛楚騷應暫掩，由來此地亦悲秋。

送朱應春平湖

御溝垂柳餞金羈，年少為郎事事宜。
 醉倚蜀絃歸去

晚、閒、歌、越、棹、放、行、時、春、開、雨、氣、隨、龍、母、秋、盡、煙、光、識、
島、夷、取、次、花、邊、一、留、賞、君、看、墨、綬、已、如、絲、

○送林志和巴陵

棲、鳳、城、南、散、紫、氛、雲、陽、宮、北、蚤、離、羣、晴、拈、碧、草、占、春、
色、醉、濕、青、裘、動、海、雲、梅、嶺、襍、花、催、漢、吏、紫、壇、芳、月、映、
湘、君、清、清、最、愛、滄、浪、水、風、定、漁、歌、入、夜、聞、

運併

、送陳仲道餉延綏歸嘉定州

司、馬、西、遊、賦、筆、閒、相、將、蜀、道、出、秦、關、鄉、心、歷、落、焦、原、
上、河、色、蒼、茫、斷、磧、閒、騎、影、甘、泉、魚、乍、躍、塞、雲、高、館、雁、

初、還、海、棠、香、盡、歸、休、晚、解、道、峨、嵎、似、遠、山、恰好

、送李獻可賚馬價薊門便携家歸華山李君同是沈儿

軒先生門人也

休、文、池、館、映、青、衿、每、話、三、秦、動、我、心、騎、省、畫、移、宮、樹、
綠、客、窻、秋、夢、岳、蓮、深、佳、人、並、操、歸、鴻、曲、國、士、先、馳、買、
駿、金、為、過、薊、門、東、掖、望、馬、蹄、冰、雪、正、難、禁、
亦遠

、送李明瑞歸華州因餉兵寧夏

來、去、家、門、路、六、千、朔、方、還、寄、華、西、偏、春、風、旅、髮、臨、邊、
草、夜、雨、歸、心、染、岳、蓮、宅、近、關、門、宜、謝、客、國、留、郎、署、足、

王荅堂詩集 卷八
棲賢還朝若問鳴沙戍自有秦陂漢渚泉

送楊太素中書出祭趙府

春官玉節付羣才獨遣楊修鄴下來
襪被自留琴客語離筵偏為酒人開
梅風曉角催寒送花月春帆截浪迴
見說趙王能好易相過應不話叢臺

和荅南城梅公

紅泉碧磧舊仙壇曾盡梅真幾日懽
城闕署歸春醉晚石門人去鳳飛殘
山中月氣清蘭佩河上風流映竹冠
獨道丹青能長價十年初入漢祠官

送牛光山暫歸涇陽

嵯峨西嶺映參差小坐高鶯出欲辭
獻歲客殘同署曉兼春人憶踏花時
池陽荷鋪分新雨煙水橫琴寄晚颺
仕宦向來多曲折君心惟有直如絲

奉懷羅先生從姑

杖底山河數點煙真人氣候鬱羅天
蓬壺別貯生春酒京洛傳看小字箋
鶴唳月明珠樹裡漁歌風色杏壇前
也知姑射能冰雪誰道汾陽一窈然

送譚侍御歸茶陵

侍御疏閣中故有絲綸簿為大璫
竊去觸璫詔旨切責問

中自不平

出何記御史臺
為言竟謫歸

憐然

惠文冠影正冲飛、自點秋霜拂繡衣、江漢有人雄畫省、絲綸無簿愧黃扉、遙帆半落湘雲盡、踈磬全分嶽影微、不道清時容臥托、草堂猿鶴似依依、

○送伍給事謫萬載丞

年來清奏出陪京、每向秋江送客行、給事舊從關令尹、為丞新失漢公卿、星通百粵蠻差少、地接長沙濕較輕、自是世情能物色、不妨黃綬去逢迎、

寄右武滁陽

奉常東署黷離居、賓從逢君興有餘、夜館聽歌迴騎曉、春城中酒落花初、山當挂笏時看馬、客過濠梁獨羨魚、最是隔江楊柳色、鄉心那惜數行書、

送黃觀察雲南

觀察鄉親
多南中賈

北門都水歲清寒、萬里南雲映法冠、乍許鄉間來問俗、獨憐妻子不之官、秋山月落雲旗出、絕徼花當露冕看、見說南中稀酒米、數杯行色為君寬、

約謝吏部先九日同令弟友可伍山人仲元造

池上

後聯描出
先九日意
妙

謝郎高臥聽西池樓外風翻滴露枝道有山人能勸
酒不妨家第一圍棋三江白雁來何蚤九月茱萸興
莫遲正恐登高見籬菊落英先發楚臣悲

○新歸偶興

越江初服映春絲深院爐香几隱時雨氣夜薰青茵
出煙波晴浣白鷗知道遙正自投窮髮混沌何須與
畫眉最好東坡事田作農歌幽谷遠相宜

約造謝家池不果高卿便有和作復次前韻

何曾一造謝家池想象黃花發幾枝漸老荷香須送

不俗

酒兼清竹所隱彈碁落葉夜催蛩候蚤遠天晴覺雁
來遲登高興發尋常事未必山川使我悲

八日謝家池宴二首

已覺秋光滿戶庭芙蓉一朵正清冷簾前夕照煙霞
紫座上林霏帳幙青袖拂暗香荷葉徑杯搖明月水
心亭不辭爛醉黃花枕明日登高也似醒

莫悲桃李散春煙且向西池學採蓮客興浪隨棋局

點秋香那惜酒杯傳花開木末紅宜笑鳥下波光白

可憐是好登高趁明日遠山洲渚正晴天

○小閣

新秋小閣淨炎氛，徙倚歌聲隔岸聞。
郭外青山纔薦爽，坐中芳草莫辭薰。
煙空雨色搖斜日，江迥芙蓉度彩雲。
竟日淹留那不極，白鷗秋水正為群。
題已無俗意詩自稱之

西陵夕照

紅泉碧磴舊追攀，臺榭參差金石間。
海色乍收天外雨，晴光忽動水邊山。
清秋積翠雲霞淨，盡日幽芳歲月閒。
爛熳尊前隨意晚，欲乘明月弄潺湲。

送於掌故宰彭澤

香爐晴色映江關，鹿洞花深講席閒。
望氣可能逢令尹，折腰須是向人間。
不與陶公爭氣經知彭澤天多水，坐厭平昌月滿山。
向後登高一壺酒，不知叢菊幾回班。

麗陽十憶

如許題貴得山水性情不然藻思綺合亦妙

翠潭

括蒼蒼色正江南，下有嬋娟百尺潭。
似與空明沉翠碧，應開倒影映晴嵐。
寒餘洞壑生煙渺，雨過墟原暮色含。
獨嘆侍臣青鬢晚，春衣點染思何堪。

青室

曾羨軒轅架玉臺，鬱葱佳氣與徘徊。簷楹舊向垂蘿
密，戶牖新從鑿翠開。便學東華流霧靄，何如少室倚
莓苔。生香更借芝蘭色，天影空青許看來。

桃源

括蒼山裏一桃源，似楚桃源較不諠。春色也知浮澗
曲，美人還似憶湘沅。不知晉世今何得，欲向天台未
敢言。蕩漾東南好溪水，折腰終此寄田園。

竹嶼

也無孤嶼似江心，祇是崔巍寄碧潯。箭竹迥臨星瀨
曉，括蒼分與麗城陰。春如鼓吹山明翠，秋似瀟湘水
氣深。曾住縉雲古仙子，此中長嘯鳳凰音。

琴石

東溪一枕隱飛湍，青碧琴床水。西安色映湘靈閒，弄
好韻深方響欲浮難。波間激玉誰訴洞裏流泉冷，
自彈日暮更為金石奏。迴風吹作水仙寒。

釣磯

一片清寒大好溪，好溪真有釣魚磯。應須咫尺通巖

靈詒集
中不多得

詩餘小品

子只似尋常在會稽，莎莎雨飄垂柳岸。釣絲春惹落花泥，無緣更直江潭客。白露時飛到竹西。

虛廊

小小逃虛向赤霞，連廊千步亦無涯。簷前細韻山窻竹檻外，長飄水碓花四注。空濛雲下宿一方，清冷月西斜。深歌響屐曾誰到來去，蕭蕭說暮鴉。

虛極

響瀨

溪惡何須到永嘉，高灘勢作鴈行斜。崖泉隱枕吹寒碧，山溜迴春吐緝花。避暑煙雲流漱玉，入秋風雨帶

獨字體貼

鳴沙蕭疎靜日松，濤起長似高齋聽煮茶。

峭壁

增城大壑幾曾逢，積翠搏空此路重。挿地似應連海影，垂天真欲礙雲容。晴籠薜蕊朝煙澹，溜折苔班晚氣濃。咫尺飛禽不來往，何人面壁正東峰。

崎巖

海上歸雲下石帆，嵌空留此夜明巖。幽生洞壑愁龍語，迴轉餘花覺鳥啣。倒影暫能熒翠碧，迴風長似入松杉。闌干溜迹封苔遍，道有天書在玉函。

運得來

送連孟準餉蕪暫歸禹州

中高片壁白連城，得侍同門望不輕。
鶯集共憐芳月飲，鴈來翻作苦寒行。
崆峒絳節朝雲拂，渤海朱旗夜火迎。
並道巍峩簪筆裡，長河襟帶潁流清。

○送徐司理金華司理時以縣屬相戲及之

天臺斜月醉初厭，起見雙旌拂畫簷。
陌上風雲籠去馬，越中山水鏡行幘。
香吹梅渚千峰雪，清映冰壺百尺簾。
道有泉源堪種秫，只應留着醉陶潛。

官樣行韻

送劉襄陽

百花高宴兩留連，五馬行春二月天。
耆舊到時分咲語，遊人偏處是山川。
南行趙國邊陰盡，西望巴關楚澤連。
莫學君家前郡牧，襦衡相見不相憐。

送徐敬輿浮梁暫歸蘭溪省親

寒郊煙影散春旌，列宿河梁昨夜明。
劉向早傳蘭署業，阮咸堪醉竹林情。
舟經浦口齊雲宿，縣到池灘遶月行。
不用蘭川將酒去，玉甌春茗會人清。

○送徐司廳歸越

畫舸悠悠簫鼓聲，石蒲尊酒映人清。
坐隨明月江中

賞歸向山陰道上行暑路獨宜驅傳早涼園初稱舞
衣輕祠郎亦有鄉關思爲報還曹及早鶯

送徐士彰諫議辭越憲歸宜興

君歸不作老明經似有封章在漢庭忽報天台行部
遠却憐陽羨故山青香添畫閣傳經罷雨洗春泉宿
酒醒莫厭此身如病鶴年年清迥憶江汀

齊山秋眺

相國風流出刺年池陽幽色在南偏烟華欲暗蒼龍
峽石笋長飛齒齒泉洞壑芊緜還自出亭臺蕭瑟向

誰懸祗應遊子登臨意長帶秋江雁影旋

永嘉送客遊金陵便謁王恒叔參知濟南

江上移舟汝亦聞能來幾日思離分高歌欲下龍翔
雪遠勢如飛雁蕩雲遶夢落花消雨色一尊芳草送
晴曛遊人自說江南好直是東方有使君

過曾贈公舊宅時參知君如春在秦

天語春過紫鳳飛廬江太守倍瞻依因通筆墨稱才
子自展盃盤借落暉獨拜那嫌交態淺同遊初覺宦
情稀沾衣一夕高堂淚公子秦川客未歸

○○平昌得右武家絕決詞示長卿各啜泣不能讀

起罷去便寄張師相感懷成韻

哀響秋江迴鴈聲。兩霜紅葉淚山城。年來漢網人難
俠老去商歌客易驚。貝錦動迎中使語。衣冠誰送御
囚行。長平坂獄衝星起。可是張華氣不平。

和劉季德平昌一蓋樓撫琴贈別

為領佳山到却回。石門南望即天台。鄉心度嶺梅
寄秋意登樓鴈欲來。疎竹風泉長自遶。一燈花雨向
誰開。祗應拂拭江湖外。浪槌琴歌酒數盃。

送姜耀先寄懷周臨海

偶爾封書去海涯。烟霜長是惜容華。即知張緒當年
柳正作河陽一縣花。堂上琴聲淒綠水。樓前巾幘起
朝霞。思君欲似西園語。相送河橋日未斜。
無棘口處

郝永嘉談處郡佳山水欣然

一郡高居接少微。郎官星裏送餘輝。江天直下雙門
近海寺東來萬法依。洞滿朝陽雲乍起。樹懸春雨鶴
初飛。因君得附雙鳧影。未笑吾兼史隱非。

孔授人歸寄聲吏民

好在平昌舊吏民，如今江表一閒人。承明再上三年計，列宿曾班五度春。戶外烟霞迴簿領，琴中山水寄情神。秫田種後何人醉，長笑先生漉酒巾。

初歸東高太僕應芳曾岳伯如春
幾年清夢有長安，不道臨川一釣竿。雲路試留仙令鳥泥丸，初着遠遊冠。樽開竹葉風前笑，檻點花枝雨後看。直是故人拋未得，欲開三徑與盤桓。

次吳本如言歸

五柳初歸鬢已班，折腰真是強為顏。早知負郭賓遊

滿，得似關門令尹閒。風散墨香詩卷淨，雨吹花落印

牀。慳猶嫌太史占雲朔，肯放仙鳧倦鳥還。

送王性凝叔彝還肝并問登州王使君

隴麥離離朝雉鳴，偶然幽谷兩鶯聲。鄉多載酒來青舫，年少遊仙自赤城。彩筆夢移波浪穩，長廊春送雨花晴。因風一問蓬萊守，曾傷麻姑清淺行。

送傅觀察以故重慶起監平播軍

卜築原知傍列星，幾年寃夢憶丹青。兒童舊愛巴人舞，神女初過楚客醒。遂有風雲生絕壑，豈無車馬係

離亭鄉思錦繡州前月肯寄書生銅柱銘

○傅參戎朝鮮過家有作

提戈萬里到林胡袍血初乾寫戰圖雪意滿空貂拂
座秋風入塞馬啣蘆扁舟小隊趨懷玉盃酒高臺傷
鬱孤忽憶書生舊投筆與君搥碎碧珊瑚

○送劉參藩寄問東莞覃見日盧海疇諸子

曲江春老賦停雲病淺臨風一送君暫有公榮宜對
酒那堪孫楚卽離羣高餐露菊逢秋盡細語霜鍾入
夜分更折梅花問耆舊羅浮清隱最相聞

○送葉梧從嶺海歸獨山

幾從山縣聽琴聲君子堂中禮樂清老去一官成浪
迹客來千里見高情梅花嶺外裝仍薄鴻雁春歸別
未輕向後獨山風雨夜相思時有夢魂驚清澹可見

○送張自雲兄弟歸新淦

斷橋官柳繫船輕年少馮高一送迎玉茗種花開令
尹秀江紆錦待儒生當歌逸興風前滿漉酒相看雨
後清家在吟峰好秋色雁行飛作鳳鸞聲

○送張廣陵

少塵上

清翠

淮海新恩喜復驚，太行親舍舊含情。知心彩袖三年別，自倚冰壺六月行。江棹瀑花吹短髮，石城秋雨送高旌。相思玉茗尊前月，得似瓊花夢裏清。

戲答錢塘姜永明

香奩艷曲省曾傳，不報情知越妬燕。拚死可令花性惱，貪生直爲酒壚憐。仙娥作伴防偷藥，女俠難教唱採蓮。猶有錢塘舊蘇小，打開油壁上郎船。

卜句有思

○七夕送李叔玄新第表還永春成禮

粉面仙郎趁鵲橋，歸槎海上路迢迢。流蟾桂葉香攀

得情事

滿小鳳桐花翠欲嬌，直取春粧明晝錦。新分御燭引華宵，懸知向後明光夕。枕帳薰爐厭寂寥。

送沈師門友張茂一餉使歸覲蒲州相國有感

江陵家世

別酒霜林醉碧曛，省郎將餉雁門軍。鄉關晝錦衣如雪，沙塞春旗陣入雲。紫氣尚憐張壯武，青韶同事沈休文。爲報富平堪臥托，冠陽今日不如君。

過安福舊邸口號

宦學新移近禮闈，行經舊邸思依依。飛帘巷口人曾

懷舊深情
餘溢聲外

三石室詩集 卷八
拂舞轡街心馬似歸粉障自尋題處迹薰爐重對護
時衣歸家少婦迎門問粧閣簾間燕可飛

送王道父歸侍稷山

王郎白髮已暉暉并向恩光入禮闈鳴驥晚辭中坂
起慈烏春繞夕陽歸平林月出姜源巷嬌水雲生舜
女扉花下獨陪王母宴恰分宮錦製萊衣

慈侍

送陳公衡永嘉暫歸蒲中過別

臨湖秋色秀莆田選勝新除大玉天鄉路馬歸殘曉
盡海門舟過夕陽懸甌閩地氣連星斗王謝風光隔

歲年並道公卿饒桂樹君家能似大丘賢

聞俞義烏稍悞外除慰贈之

畫塢爐峰隱竹衙此君才地稱清華相逢南陌人皆
歎暫守東遷只自嗟樹色籠晴雙騎遠雨聲過雁一
帆斜縣前卽有登高處會待陶潛就菊花

情景
雙合

南海郭觀察夢菊約西城寺琴集別袁滄州文

穀

高懷何用結交深綺陌翻爲狎隱尋過雨汾陽移白
恰開春海色薦鳴琴雲浮睥睨烏棲樹月冷招提鶴

曉唐

玉茗堂詩集 卷八

七

在林夜半袁宏高詠罷滄州頭白故人心

送許鼎臣姑茂

浦城南望即鄉關赴詔盈川得往還拂騎曉雲關樹

紫轉帆低照岸苔班生波月上漁郎浦喜氣春開鵲

豆山物論邇來資過客肯從零露一追攀

寄羅青浦有懷舊令長卿

詔下圍桑與度田五茸飛鳥去翩翩時同漢殿迎宣

札偶、然、得、句、正、佳自愛梅花索往篇關月曉舒連騎出海雲春重一

帆懸江東吏迹能招隱有客鱸魚舊釣船

虞長孺話歸飛來峰

幾年芳草思王孫今日離心向爾論歸去月華雙樹

曉飛來雲氣一峰尊花龕入定光難覆竹浦行歌響

易奔更莫衣冠挂蘿薜空令猿鶴夜驚翻

西川學使郭參知斐調西粵

自起移官向越賓一時清論滿朝紳新參古色歸懸

鏡舊士高談憶角巾蒼野獨行雲氣曉桂林閑望洛

容春鬱金美酒須饒作何但風煙老却人

初秋邀于中父呂玉繩孫世行樂之初邸閣小

翻新

飲

巷無車馬殢京華，雨過青熒襍樹花。對客動須眠白日，懷人真似憶長沙。衣開縷篋粘虫落，劍响鈎簾觸燕斜。冠帶初秋和君渾不暑，江南秋思在蒹葭。

南漳魯子與出理廣州過別

未信荆璆老卞和，少年風骨動鳴珂。行隨世路追歡少，坐歇流芳飲恨多。橘漢乍留珠佩語，梅關直上蜃雲過。參差六月天池水，撥刺飛騰奈汝何。

梅庶吉公岑席中送衡湘兄固安

固安孝廉時同在余許二

師南祭酒講下上春官復同第二師門下云

曾陪相國侍飛簾，把劍長安雪夜吟。八月寒濤湘夢遠，十年春草禁烟深。雲開赤縣雙鳧映，花撲盧臺兩鬢侵。復是連枝為太史，每逢朝朔候輕陰。

○送劉司理平樂

四百灘瀧萬里遙，莫雲官興遠蕭蕭。靈蛇入饌看成怯，翠鳥吟笙久自調。過雨竹衫高白曝，終風草閣亞紅蕉。休驚少婦啼珠盡，留與猩猩血比嬌。

朱大復舒城

致能取奇

鵲渚逢人報好音，龍舒君長挾青琴。太湖水色經灤，
淺郎位星光入斗深。秋士共悲風薄水，春官曾佇月，
開林漢臣朱邑原鄉里，家國情兼歲祀臨。

寄傅郎將

君家門戶起樓蘭，幕府新參兩鬢殘。徒步封侯當日，
易可人相薦。此時難火旗夜扇，閩山熱水劍秋生。海，
國寒却笑同時章句友，一生金印不曾看。

較寧為百
大長句蘊
藉多心

鄴中關繆侯祠

趙壁叢祠非故鄉，漳河懸絕舊荆襄。輿圖并借揮戈，

色廟貌全依秉燭光。運去英雄猶嗟惜，靈來風馬欲
踰。踉今朝朔望流歌舞，何似銅臺對魏王。

玉茗堂詩集卷之九

七言律

臨川義仍湯顯祖著
甄胄天羽沈際飛選

○晚霽友可俱謝孝廉來友可才氣縱橫孝廉謹

重余竝喜之

劉宋武語

頓有一時雙玉人綠袍皆稱小烏巾入門雲氣香流
水接席風華明素塵劇坐不嫌秋夜永難留應念主
人貧深知謝客多才性宣遠同車有善鄰
友可便欲求仙去次韻賞之

謝

亦秘

抱卷猶疑八十宗，玄言相滯亦相從。金風近圃千里橘，白日高齋一樹松。燕頷玉精隨食法，龍嚼紫脫供秋容。愁君多病難搖落，牌板紅泉有秘蹤。

用一靈一運 華子 尚詩

送謝廷諒往華蓋尋師

秋來旅客易山行，牌板今傳寶蓋名。華子岡頭起空翠，芙蓉峯底接雲清。風前笑挹浮丘袖，月下偷吹子晉笙。吐氣為橋儻先度，題書還似蜀青城。

似呈也 寄也

與謝獻可獻可吾師徐子拂之子之才壻也就讀東縣夢余有寄乃昆友可朝寶蓋去一宅清

齋獻可忽來商揚鴻寶之事取阿難華嚴經而去即事贈之

去即事贈之

謝子東方苦索居，題詩寫夢到吾廬。未妨醲醑清齋飲，且摘秋黃白露蔬。佛子迷花初聽法，淮王攀桂始成書。雙珠動合消玄滯，舍弟陪談遠未如。

七發

送傳吏部出守重慶吏部歸省其太夫人而去

巴有人焉，蹇尚書之後達，有出羣之量，今守河

東，倘其家人有之，河東者，因緣問之。

君今才地漢王堂，不羨閒居秋興長。山到白崖懸暮

清緣

雨。峽。連。明。月。遡。秋。光。來。蘇。并。是。巴。淪。舞。剖。竹。仍。看。吏。部。郎。獨。笑。故。人。恒。寂。寞。新。詩。能。寄。塞。平。陽。

○高太僕每過輒值余登遊他所太僕嘗為侍御頗有酒德基品淑人之風更約之飲

道人終日掩荆關長者乘車十往還太僕本來驅駿骨。綉衣方得解嚴顏。十千美酒絲桐醉。三百枯基賓從閒。并是秋風有良月。門前雙桂許人攀。

引腸

○哭外翁吳公允頰 并序

翁行歷久矣。在可乎不可之間。處玄之又玄之世。

風流鄭重良深長者之風日逐遨遊有若小兒之

狀七十三歲行無二心六百餘烟談惟一口盜得

之而愧送虎逢之而別跳多彼地之鄉評恒推上

客笑此時之郡飲全要方兄每道賢甥成其宅相

誰言大父遽作泉人痛絕松雲歌從薤露

竝道青泥旗市開誰言大隱即仙才防身不用流黃

劍愛客偏浮太白杯但有百錢隨杖去曾無一字掛

符來維桑社臘追耆舊賓挽嘈嘈猿鶴哀

豐城徐德俊從峴臺城上出東門石梁迤逗秋

掛符何述
虎逢事用
東海黃公
以及其說

水在過草堂好友周子成正在為酌人定乃去
重來索詩即用德俊便面韻答之 二首

如此落韵
雅而拙不
難之難

結句則惜
德俊無人
知之之意
正承五句
句

知君懷古正悠哉，北斗橋南金玉臺。秋水滿厓才送
漿，西山爽氣一銜杯。烟霞物色能多少，月露光陰空
往來。為問豐池影光劍，張華何日正中台。
透迤城上有高臺，草舍青門淥水迴。石作濠梁魚正
樂，塞連光祿鴈初來。何當疊騎高賢至，自合開尊選
客陪。不醉會須重折簡，池亭相近菊花開。
○與周子成夜步石梁

奇跋之

君家門德本清華，餘論時聞借齒牙。草舍臨牀分水
石，芳人酌酒自雲霞。高秋暝色連波母，落日歸人似
若邪。獨上河梁燈火合，雙星疑在去來槎。
淮南子東南方波母之山

○靈谷秋望懷南都少司成周公
十年何地一揚眉，猶記尊師玉眇垂。翠氣流離分曉
帳，蘭光馥擘映秋墀。誰知更鬱青霞氣，不似長鳴白
下時。致敬悠悠少春鴈，單衣無緒獨愁誰。

○銅陵卧病懷南都汪車駕應蛟
長羨終軍卽棄繻，故人消息滿南都。為郎是日疲司

馬笑我當年識鳳雛，宴歲自堪縈薜芟。明時那得怨
新芻，相思白下春楊柳，還借君邊酒數罇。

聞少司成周公轉北大司成奉寄

集雅園橋日葛巾，明時師表屬人倫。相看北上浮雲
闕，還憶南中清路塵。就有鸞龍爭擲地，那堪猿鶴好
隨人。高齋歲月悲遲莫，又道文章可逐貧。

寄奉吉安太守張公

有序

明公以中吳之華胄，體山海之靈韞。辱承敝州吐
納風流，吏部分符，河流接潤，安成一別，不復仰承。

盼睽之飾音微，寥寂藏心靡諼矣。吉州人士舊稱
鄒魯，明公爲政，復是文翁，人地兩得，表尤異於朝
路，首循良於史策，弟子藉其實，口微哉，顯祖擁塞
山中，問賀常絕，因相人之便，附所懷。
石陽官道遠綢繆，白竹埭西不再遊。秀麥爾時歌宴
樂，垂楊當日美風流。雲天寥亮終難賞，歲月聲華蚤
未遒。自是人倫推素燭，還能剪拂定驂騑。

送陳荆門

仙令歸鳧自入閩，青旂搖動卽風塵。天高日色寒猶

淺川上雲花暖較新。大別人來書寄蚤。長林懽去酒
愁春寧堪更過荆岩問。曾是先朝獻玉人。

奉寄劉中丞座主

有序

顯祖姿材軟弱。知力淺短。猥以微冥之單慧。仰承
盼睐之榮光。十載於茲。三年未報。同門之友。次入
高華。竝舉之人。或為異物。曾未鉛刀一割。誰言弊
帚千金。惜逝如流。興言欲涕。惟明公河洛英靈。嵩
華秘育。德行斟酌。萬類才能。輒葛三光。柱後惠文。
總是嚴顏之地。堂下布武。誰非得意之人。儻念門

生故人尚在。名山海上一貴一賤。豈復論於交遊。
九地九天未足比其寥濶。惟善需玄福。仰益清朝。
世路悠悠。止是春風夏雨。名途皎皎。有如秋月冬
霜。五韻聊成。寸思彌積。

見說軍麾偃八閩。芸除清望更何人。雲間玉葉才披
曉。天上銅渾早變春。翠栢臨臺香本性。青槐夾道影
年新。誰言隱逸都無憶。名譽時時鄭子真。
只是異人

○送謝大遊池陽便過金陵

卽九華

金谿九紫不曾攀。更道金陵九子山。驃騎航頭歌祖

德鳳凰樓下緬。龍顏雲林蕙帳今。晨寂秋浦蘭舟。幾日還便合相從。泛滄海。卧遊無緒出荆關。

懷計辰州

徙藥攀條興不違。古來賢達宦情微。愁心欲報流黃素。遠意空留明月暉。桂嶺雲霞過客夢。武陵煙雨逗人歸。同在都門不相見。可因岑寂避芳菲。

入格

潞河迎拜龍峯張老師公起越中即授虔鉞舟中琴客碁師蕭然永夕高而賦之

爐峯瀑水自招尋。十載煙霞積望深。河上寒帷新繡

斧。關南迎拜舊青衿。身非從吏容窺局。心在明王獨抱琴。秋月半空渾不暑。偶然乘雪坐山陰。

○劉君東下第南歸

漠漠蒹葭映夕陽。同人秋鬢十三霜。烏棲夜月移檣影。蟻泛春風拂座香。筆墨興隨歸路緩。綺羅情共落花忙。猶憐獨馬關南去。滿目青雲一鴈行。

輕怜痛惜之意正深

再送君東

風嘶鬱柳聽蟬悲。洛下彈冠歸去遲。尚拾流螢窺太乙。還驅積羽向天池。雙歌舊國桃根葉。獨嘆承家桂

期望語

樹枝青眼送君頭欲白十年多半里中兒

○第後寄玉雲生有懷帥思南

深尊小拍近如何興淺當年恨別多秋幙有情留燕
語春林無那厭鶯歌香風射雉饒丁壯生氣臨書有
甲科解道邇予能極浦故人雙鬢古牂牁含蓄

送陳立父理越

承家丹筆下青墀雲杜葱蒼玉樹枝世次共推陳子
傳刑名高借董生帷風光絕嶠雲凝處雨氣殘潮月
上時飛旆自饒清興發越東山水最宜詩

出脫

劉思雲錦衣謝客服餌代諸詞客戲作

舞盡琵琶奪盡籌錦袍長對敝貂裘身當列第宜張
楚客向登樓欲傍劉鼎似芙蓉那換醉芝如翠羽詎
銷憂年來世路縱橫裏公子何能學計遊

送時確山暫歸蘇臺

詩料

蘭省香銷盡日閒綠槐幽鳥晝綿蠻蕭齋慎夏憐同
病客舍悲秋送獨還欹棹雪迷芳草徑轉旗春動穆
陵關思君正在留連處一榻茱書酒半間

劉諫議出鎮金州暫歸長白

妙迹西遊諫草閒，憂時長似映心顏。太常陵事清齋入，長樂鍾聲遠夢還。副岳迴旗開白雨，靈河邀佩出藍關。由來隴塞功名地，不說吳都侍從班。

送姜司農入秦

茂宰曾標濯錦才，同官幾歲鳳凰臺。書通蒟醬時抽簡，酒到郫筒一命杯。遂赴秋期秦隴上，即看春色漢江迴。涼州舊宅渾無恙，長似西平駐節來。

神樂院夜醉羽客

有客那教不醉回，惜無多酒注深杯。鄒生正解談天

喜無香火氣

去蕭遠，何曾辨命來。帝樂西樓遲夢曉，空青南圃逐花開。煙光海色尋常度，未道年年鬢髮催。

牛首飲林尉平將出守南寧即贈

寺湧煙花滿石梯，還留春閨與攀攜。端居玄武湖心北，出守蒼梧雲氣西。月上芳林人去遠，霧迷銅柱鳥飛低。心悲道暍南行日，江嶠籠晴挂飲霓。

悠然堂括蒼賓巖師隱處

洞壑辭春蚤，閉關偶然開戶見南山。悠悠欲傍停雲去，忽忽那知采菊還。碧海心期扶杖裏，名山遊記卧

樓間朝霏暮杳成何意傲吏懷人向此間 平淡

送丁生濟南訪舊

綠雲晴色映江干罷酒乘舟一送歡一飯共憐滄水
使十年初謁漢祠官新知結綬人情易末路分金古
道難莫為秋風苦留滯鵲山明月夜飛寒

分水縣訪桃溪潘公仲春出桐廬秉燭遊僊洞

香襲人衣十餘里不絕

分水懸帆就索居霑中信宿下桐廬青山晚棹桃溪
遠紅樹秋燈草閣虛仙洞半空行炬蠟生香何處滿

簪裾開舟更下神靈雨煙霧霏霏總襲予

同孔陽宗侯陳伯達陳仲容小飲閒雲樓

子墨掀書氣若芸我朱清酒笑為羣江鷗浪蹙臨樓
淨風燕簾斜覺坐曛遠磬一聲分暝色暮帆千里帶
晴雲扁舟欲濟何年事領取閒情問相君

明遠樓陳伯達陳仲容仲宣去諒夕燕前有宗

生在座引去留之遲歌兒壓雪不至

唐聰選句

南河五月似新秋晦日褰帷接勝遊酒半竹厨連霧
暝夜深漁火帶螢流門迴綠草分車馬座借青藜切

斗牛莫為麻衣驚避起，高樓曾為至公留。第二首出
屋雪意尤

非勝
場

送晏禮垣陪都公臨川沙河元獻後徙寓南昌
時封事十不報，一風景去予。祠部時遠慨焉。
春酒纔醺晝錦濃，千山欲送雨重重。江花日出看盈
把，諫草天回下幾封。家近章門移市宅，班兼祠部憶
朝鍾。千年相國風流在，長向沙河問濯龍。

送胡瑞芝以東粵右丞入都行仲秋大慶禮
萬壽日十七，千秋日十三。奇逢盛際也，時君

粘題亦慧

方以平播功貴望之
十年清望紫薇臣，南極星趨拱北辰。萬歲歲當嵩九
祝，千秋秋正月重輪。芝英瑞寫雲中表，金鏡光傳海
上珍。况是平南多事日，袞衣推鉞更何人。
送胡瑞芝開府貴州公美容溫度前以平播功
賜一品服及之

楊柳青絲繫玉壺，相看那得便長驅。天閑奉御收龍
種，邀道將軍佩虎符。節鎮舊移川北好，干旄曾過水
西無。年年繡服春風裏，今日麒麟見畫圖。

官樣

奉答石楚陽

晴雪初霏木葉紛，遠憐同病得相聞。
衣簪正渴黃梅雨，枕簟常思廬岳雲。
壯氣一官成自免，暮情千里更何云。
箋詩閉閣渾閒事，長伴漁樵到日曛。

答孫鵬初太史華容

蕭條塵外省，追攀獨有懷。
人意未閒，夕拜共瞻星斗下。
晝遊長望水雲間，波生木葉連江渚。
寒動秋烟隔楚山，借問湘沅舊仙客。
一時捐珮幾人還，何年太史動浮湘。
行遂初衣理芟裳，春思路漸汀芷。

閒雅

綠秋悲庭覆井梧，黃百年緩步高曾後。
千里同心屈宋傍，今日登高成獨醉。
洞庭相憶酒泉香。

平昌鐘樓晚眺

可憐城市欲紛紛，直上層樓勢入雲。
獨樹老僧歸夕照，一山棲鳥報斜暉。
初驚梵唱凌空靜，還隱鍾聲入定聞。
忽恠夜來星劫曉，諸天於此震魔軍。

每用禪家粗話減價

九日送王巽父兄東下作

夕照離離江上楓，微軀渾欲送江東。
驚看壯節同心友，來共黃花白髮翁。
獨宿自傷千里外，重逢相憶百

語漸逼真

年中蒼茫後會知何得，猶望加飡涕淚同。

得湘中陳獻可書感寄

獻賦明庭坐數竒，黃沙匹馬憶追隨。百年夢盡沉湘

客，千里書開采艾時。戶引薌泉宜漬酒，家臨韶石好

吟詩。相思會面終難得，便作冤招祗淚垂。穩重

哭戴愚齋老師師微病書偶語于門落筆而逝

語云百年混世今朝始得拋除一笑歸真俗客

無勞挽弔四語是再來人

生死虛空一暮朝，由來得道始逍遙。心迴日月光猶

挺挺

曼夢落江山，氣未消。清嘯似聞雲鶴舉，墨花長擬鬢

絲搖。千秋不受巫陽弔，雪竇雲門赴大招。

送周咸寧應召公家舒莊僖同里期之

忽忽登高望不窮，一州冠冕饒城東。孤舟向鄂留春

色，駿馬趨燕起朔風。太史自占鳧鳥影，陶潛偏笑菊

花叢。臨川氣脉西南好，曾是尚書給事中。

送王孝廉東旭還越

軒車未敢拜迎疎，咄咄尊前風雨餘。問偈僧來頻薦

語，倦遊人去恰題書。元龍有榻高留客，枚乘能文病

多借官衙
作句臨川
一病

起予向後永安新夜月海天遙對一舟虛遠

○奉和吳體中明府懷達公

雨○花○天○影○見○時○難○仙○令○書○開○九○帶○殘○身○外○有○身○雲○破○
曉○指○邊○非○指○月○生○寒○知○他○曲○向○誰○家○唱○問○汝○心○將○何○
處○安○為○報○虎○溪○殘○笑○裏○幾○人○林○下○欲○休○官○

楞嚴妙旨

○再次吳明府韻寄太史仲父之作

歌○聲○出○谷○採○樵○還○隴○麥○參○差○雉○子○班○每○聽○遷○鶯○來○戶○
外○親○知○列○宿○在○人○間○詩○分○錦○帶○搖○新○月○花○發○河○陽○憶○
舊○山○未○問○樅○臺○射○蛟○處○烟○波○誰○許○釣○竿○閒○

鏘心繡句
不下盛唐

○送費師之寄兆卿

未○須○裘○馬○去○翩翩○風○物○名○家○自○儼○然○數○幅○輕○羅○留○結○
芩○一○盃○芳○草○寄○題○箋○青○衫○客○散○河○橋○柳○暮○雨○春○歸○寒○
食○天○定○向○林○間○呼○小○阮○荷○湖○新○着○釣○魚○船○

朝天宮夜別呂玉繩司法寧國

偶○從○公○子○折○芳○馨○千○里○風○期○在○敬○亭○拂○署○曉○雲○花○淡○
淡○卷○簾○秋○水○月○泠○泠○松○間○訪○道○爭○連○璧○竹○裏○行○歌○幾○
聚○星○正○恐○無○緣○隸○仙○府○風○蟬○雲○鶴○片○時○聽○

揚州送郢上客

兄弟交遊有歲年，曲江吟嘯隔秋烟。鳴琴雪照章華路，拂綬風香解佩川。遠思正縈河上草，高情纔報越人篇。登高一望還留醉，江北江南寒食天。

與釣竿和尚宿牛首山杏樹下作

曾記漁翁到杏壇，花巖月色映空寒。六時湧地千蒼塔，雙闕凌風秋露盤。夜盡忽聞船子唱，月明還似夾山看。折蘆渡口西風急，不為無魚下釣竿。

送詹東圖詹工書畫署中有醉茶軒作

新安江水峻淪漪，白岳如君亦自奇。河朔風塵為客

意殊迥

蚤江東雲物向人遲，淋漓墨妙躑○盃日，盤薄春光啜

茗時，千卷貯書那不畏，深心只遣鬢毛知。

遣夢

休官雲卧散仙如，花下笙殘過客餘。幽意偶隨春夢蝶，生涯真作武陵漁。來成擁髻荒烟合，去覺寒帷暮雨疎。風斷笑聲弦月上，空歌靈漢與踟躕。

思達觀

何來不上九江船，船頭正遶香爐烟。第一人從歡喜地，取次身居自在天。語落君臣迴照後，心消父母未

生前看花泛月尋常事怕到春歸不直錢

草堂

負却臨江舊草堂斷橋車馬向來忙身將百里郎官
隱心為西河愛子傷酒後放歌難自短花間笑語若
為長高冠照水看何似分付流光與鬢霜

百年同感

祠署送朱禮垣奏計過家淮上

簪裾拂檻柳條舒南省翩翩向直廬江草醉吟新月
夜淮揚歸興五湖餘春官得侍開元禮天子寧忘諫
獵書望幸幾年如召對漢家朝講未應虛

陳公園

五岳清時賦遂初玉華仙圃興誰如千花散竹停雲
迥萬柳籠萍過雨疎楚雀半棲迴夜枕吳篔千里襍
朝蔬城隅向息經臺近謝客聞繙貝葉書

疎澹

送宗仁令并寄家問

曾逢狹路幾情親碧玉堂開青桂隣把鏡動憐秋鬢
客移床偏近故心人來諳世路看朝列去領仙山作
外臣為報鴛鳧留斲隱草堂猿鶴未終瞋

寄岳石帆

玉茗佳事
佳境

爾愛天書入御函，有人為縣向松杉。吟餘徑竹山禽語，坐久庭花野鹿啣。解事小兒陳夜飲，閒情少婦襲春衫。年來更夢誰邊好，烟雨樓西看石帆。

○歸雲亭懷何賓巖元師麗水

候仙亭子張遺文，洞倚梅花到夕曛。積砌幾年留曉暖，連廊千載宿氤氳。非關出岫心難隱，長是成龍氣不分。况復佳人懷日暮，山川長見鼎湖雲。

粘觀合

○初歸

彭澤孤舟一賦歸，高雲無盡恰低飛。燒丹縱辱金還

宋人好詞
勿問氣格
也

是抵鵲徒誇玉已非，便覺風塵隨老大。那堪烟景入清微，春深小院啼鶯午。殘夢香銷半掩扉。

○首秋玉石臺送胡元吉暨返芝湖

漉巾沙井竹厨烟，五柳門生得此賢。醉與踏歌清夢曉，老拚吟眺白雲天。杯分玉石人如玉，舟過蓮荷客泛蓮。便欲同君將巧思，秋光時近鵲橋邊。

織矣晚唐
何疑

○壬寅中秋後三夕送劉天虞歸秦至延橋別作

天虞以潞守清強忤中貴謫稅嶺外歸道饒陽
迂迴過我三日而別能不心傷

曲車千里意無涯，搖落來悲楚客家。一夕關河留紫氣，幾年江嶺寄梅花。秋風滿鬢人難別，夜火雙旌月未斜。向後秦川清淚裏，夢回殘露滴蒹葭。

○劉天虞暫歸汝南別業寄聲趙夢白馬長平

忽忽江頭送遠人，秦川公子夜歸秦。山中卧病能過客，澤畔行吟見逐臣。補綴趙璧肯為秦柱碎，梁園相憶馬卿貧。前臨楚塞登高盡，回首黃花涕淚新。

彭興祖遠過別去訪劉廣平廣平守溫郡時聞
長予且以平昌令擢丞溫喜甚為起書樓五間不

計殊果然感其意焉

不住吳中處士家，恰尋彭澤寄烟霞。西齋病俠宜高枕，南斗開秋有斷槎。意氣動憐歡日少，交遊常覺去情賒。廣平藉甚思吾美，便作題輿到永嘉。

送周富滿臨海尉赴象山巡檢富吾家舊小史
也出身傍人而事予甚謹憐而送之

少小相依京洛行，為誰書記得微名。驚看妙尉臨雙闕，又送巡官出四明。但是歲時來薄俸，每當憂喜見長情。秋光去後何人憶，可繪紅木樺開海嶠清。

意緒似紫

覺右武有病悲之
菊籬藤架舊胡床
湖面風吹新月光
芳樹乍離秋色
苦碧雲纔合暮情傷
當歌欲別思來日
看劍心知老
故鄉賴近龍沙有
仙訣忍教容髮易滄桑

聞東邑愛慕前令伍象明為築臺思之欣東曾
明府二君皆蜀才也

中江原自錦江來
錦製逢占試劇才
谷向朝陽晴色
滿山當獨秀暮雲開
新秋菊圃三迴見
舊令棠陰一倍栽
自是東人愛西美
與君如對象明臺

各捐

○開雲樓宴呈張師相
羽翼初成鬢亦斑
西來鸞鶴剩追攀
空驚浴日臨蒼海
暫許行雲過舊山
襍樹鶯啼高舫外
綠波春色畫樓間
江湖魏闕尋常夢
且聽漁歌盡日間

雅高致爽

○杏花樓宴答張師相
紫禁初歸鬢未華
五雲樓閣是仙家
湖光欲瀉牕櫺入
磴道全依草樹斜
風物差池疑鳳嶺
月光清淺問龍沙
白頭弟子拋閒得
春色年年醉杏花
建安曲池夜歸醉和

梁園春物藹餘暉、逶徑春歸客未歸、粉黛笑侵圖畫色、殿堂光發舞人衣、星槎暗逐樓臺轉、簾影晴隨風雨飛、殘燭卧深清露曉、蒲萄香夢醉霏微、

春槎晚泛同吳門、李賓侯章門宗侯霞堊館作、偶從修禊到江關、竟日移尊未擬還、風物竝高吳楚外、羅衣初試雨晴間、青波泛月寧辭夜、白髮禁春好是閒、極目興亡成一醉、古來鸞鶴在西山、

秋初擬峴臺送袁滄孺明府丞郡金華四首 有序
故令長洲蔣公嘗遷此丞出憲蘄州袁公蘄人也

三兒開遠最受特知、茲行一縣人為公不嫌、而星壤隣近足慰暮思、且公于黃梅路熟當不以世味作渴想也、把酒歌驪遂成長律、

造次金華似蔣侯、居然節鎮在蘄州、兒童舊歎吳門屈、父老新遮楚澤留、突兀風雲誰失馬、踟躕歲月總全牛、當歌笑折陶家柳、得傍甘棠記舊遊、

大府年年缺守來、專城一一寄長才、歌紆激楚風流盡、淚擁題輿間道迴、寶婺星牛連紫氣、鄉心道意久黃梅、看君似厭蘭陰酒、為盡臨川水一盃、

末句如此
絕少

金華風物似吳興，幽意何當此郡丞。
別駕路隨秋月引，峴臺人念漢江澄。
蒼兼欲盡重臨水，流火初歸一飲冰。
八詠樓空青史在，一時雲夢氣憑陵。
帳飲傾城就碧沙，新瞻郎位佐金華。
千旌曉駐蛟龍色，稚子春深桃李花。
江楚風雲連上國，公侯門地作通家。
秋光欲問騎羊子，水壑山橋一放衙。

送周起西溧陽

到日芙蓉花滿池，高齋殘燭醉還移。
三山客夢潮生早，十月鴻飛雪下遲。
去矣自饒歌白苧，淒其吾欲繫青驪。
江關一別能相憶，春市橋頭聽雨時。

送吳近陽掌故以荆傳暫還上高

每恨才多局世間，高情良夜一追攀。
初經廣武逢人嘆，何待湘騷送客還。
桃李暗飛春雪盡，圖書高對墨池間。
相思莫便催顏髮，遠色年年在鏡山。

和答清公軍中秋日寫懷下勞山戍雷陽止觀
六祖寺聞送稅使章江只尺臨川不到問之

海印東行萬里沙，十年生事到南華。
珠池解作抽衣寶，梅嶺能高拂坐花。
獨夜從軍吹篳篥，有時送客淚

三茗室詩集 卷九
袞袞開書欲笑廬山遠。不到柴桑處士家。只是掇合好

余如竹喻叔虞夜宴間雲樓有作

耆舊相看酒不空。小山秋色畫樓中。微波遠帶星河

白艷曲全銷蠟炬紅。浮世累多真冉冉。高情年少莫

匆匆。堪將枕簟鉤簾畔。一卧閒雲聽曉風。

高樓直上捲簾輕。大好西山一倍晴。遠勢雁隨殘照

落。片雲秋逐暮帆生。歡多燭瀉風前語。年少尊開物

外情。共笑采鸞千歲後。可能長此聽江聲。

圖南邀宴其先公瀑泉舊隱偶作

佳期長是說參差。江楚風流自一時。幽意動尋叢桂

隱。高情傳唱牡丹詞。澹臺門北秋生蚤。蜺子湖西月

上遲。爛醉長松深夜語。瀑泉風雨到寒枝。

一篇意活
尚嫌瘡甚
二句景實

○再送伍念父遊鄂并問郭美命孟義甫

十年心事幾經過。一夕離尊可奈何。鴻雁影寒天暮

色。芙蓉秋盡水層波。通書近覺青雲少。別夢遙隨芳

草多。零落侍臣湘楚盡。豈能無淚向烟蘿。

懷袁中郎曹能始二美

每愛袁郎思欲飛。仍傳子建足天機。湘中歲月初投

佩江外雲山一染衣。雪唱曉風吹的皪。雨花秋水帶
菲微。佳人遲暮難重會。腸斷溝頭匹馬歸。

○欽之兄自號天山子咏共保黃髮之句為之悵

然

易肥遁古
易作蜚遁

雲霞川漲肅鳧鷺。官閣乘春小坐移。蜚遁天山宜注
易。征行歲月好吟詩。心知遠道迴帆別。語向明時掩
淚辭。廿載長安雙白首。百年黃髮更為期。

○送周仰謙叅知入關

西笑何因更入秦。一盃芳草醉留春。關中氣色催行

嚴句蕙想

旆。河上軍輪擁去塵。失路戲隣當路客。宦情偏滯道
情人。相思雲嶺堪誰老。珍重天涯况此身。

送胡實美遊吳

一時才盡百年餘。千里心銷六月初。別淚隴雲新燕
引。片帆江雨暮蟬疎。湘騷楚客收殘賦。耆舊吳門問
索居。石闕題來知不忝。兼君能讀父藏書。

玉茗堂詩集卷之十

五言絕句

臨川義仍湯顯祖著

甄胄天羽沈際飛選

○虛公丹房

西、王、母、專

甜雪映虛房，風生雲石漿。盈鑪燒綠桂，純作紫金霜。

、秋江

暝色際江海，懷人春望來。瀾瀾波月散，颯颯漁火開。

、偶成

鴈影金河盡，梅花玉管催。江南望春色，獨上鳳凰臺。

遷祠部拜 孝陵

寢署三年外，祠郎初報聞。臣心似江水，長遶孝陵雲。
透、露、清、忠

送汪主客

酒寒須別君，燈火欲紛紜。今夜籬門月，殘年江上雲。

上巳後二日遊幽棲寺

百日齋初過，三春綠已齊。披雲眠佛窟，殘屐到幽棲。

遊獻花巖芙蓉閣

木末芙蓉出，花岩艸樹齊。陵高諸象北，江白數峰西。

住鷲峰寺曉起同夏正之

拂衣蒼翠堂，雲光滿虛闈。後臺臨雨花，前亭生木示。

○子篙灘

落日從中挂，烟霏生暮寒。山含濛濛驛，波瀉月華灘。

凭頭灘

南飛此孤影，箐峭行人稀。鳥口灘邊立，前頭彈子磯。
可畏

觀世洞

山似普陀小，人依大士清。洞中金碧響，門外摘篙聲。
在韶河

翻風燕灘

掠水春自驚，遶塘秋不見。漠漠浪花飄，一似翻風燕。
虛、籠、二、句、好

數詩多嶺
南作故多
自寓

浪石灘

雨濕瀆陽暮，風鳴浪石寒。鷓鴣飛不起，橫過釣絲灘。

五羊驛

五色紛何異，蒼茫白日間。不見騎羊子，手持香穗還。
意外思之

廣城

書題小雪後，人在廣州迴。不道雷陽信，真成寄落梅。

湛林

昨夜騎羊驛，今朝鹿步來。百年無湛子，閒殺釣魚臺。

○惜東莞祁生

本色生情
誰能意氣淺，偶爾烟花深。今日羅浮子，來傷江海心。

答崔子玉明府朱明洞相遲不至二首

玉洞憑高枕，朱陵坐欲曛。羅浮窺日早，還待躡飛雲。
到門反景薄，極望青霞開。海上神仙令，能邀仙尉來。

至月朔羅浮冲虛觀夜坐

夜酒朱明館，參星倚戶開。梅花須放早，欲夢美人來。

○羅浮上簾泉避雨蝴蝶洞遲南海崔子玉不至

四首

朱陵雲欲冷，白石歲將淹。風雨看今夕，懸泉始上簾。

翻新

老人峰可接，洞裏吹雲葉。只見雨花飄，片片成蝴蝶。
洞中隱風雨，夢蝶愁飛舉。美人溼不來，暗與梅花語。
老人雲忽聲，森冥雨氣遠。風色上簾泉，畱連下山晚。

○番禺江上七日長至

不能趨舞蹈，聊自展衣冠。日影隨南至，天心向北看。

○夜坐東倪司理時恤刑在廣

丹筆夜良苦，寒虫燈下鳴。為官向南斗，只合注人生。

○恩平中火

海氣層雲盡，山烟遠燒浮。孤臣隨早晚，一飯是恩州。

哀以思

念好用事切

○海上雜咏

小罌青種子，割雀最知風。每歲初春夜，高飛鳴向東。

水飯田家女，春歌踏和聲。火鷄催欲早，莫聽紅頭鶯。

耳帶山鷄白，微低撫翼聲。客牕何處曉，海色最先鳴。

菁絕瓊西路，能言是了哥。不教呼萬歲，只為隴禽多。

破敵鶴鶉淺，為雄翰羽粗。一般藍翠好，長鬪白山呼。

月晦來書蠟，脂膏脫滿筐。緝花浮凝點，犀箸走流香。

見說臨川港，江珧海月佳。故鄉無此物，名縣古珠厓。

碧樹琅玕石，瓏璫金玉聲。平生鉄如意，愁惜為君輕。

可備風土志

唐絕

嶺俗檳榔重。盈門過禮時。銀刀飛寶匣。金蒂摩花枝。
秋色藤花晚。青香子欲圓。相思不相識。紅豆在君邊。
翡翠磯塘曉。苔亭草石幽。葛衣烟雨裏。十月始宜秋。

○英德水

字無虛設

濛濛炊烟溼。磯頭彈子圓。迴帆雙白鳥。欹枕一晴川。

○新歸

斌媚

畧約新梳洗。春衫小坐偏。畫眉長自好。今日鏡臺前。

○西池

風風雅雅

白鷺低迴疾。寒塘秋葉稀。暝烟開雨色。飛濕藕絲衣。

○陽穀店

丁亥

獨來陽穀店。遶屋是青山。似有江南色。蕭蕭簷樹間。

○觀回宿龍潭

乙未

是歲春連雪。烟花思不堪。雨中雙燕子。今夕是江南。

○河間主人店

提壺醉小鮮。春月半窓眠。不分河間女。挑燈來數錢。

○廣陵偶題二首

歲月隨人去。風塵可自如。偶然流淚處。翻着舊時書。
忽忽知何意。悠悠向此方。怯知新涕淚。還是舊衣裳。

所謂衝口
出常言情
真理亦至
者妙

所謂絢爛
之極乃婦
平淡者妙
妙

呼春鳥口號二首

日日呼春鳥。殘陽到月西。不知春欲去。還向恨人啼。
呼春春幾時。白馬青遊絲。不合春能去。花間聞子規。

去錢塘別劉季德關叔秀

三〇字〇深

賓從紛然去。主人難自懽。錢塘秋八月。潮上欲生寒。

鴈山大龍湫

坐看青華水。長飛白玉烟。洞簫吹不去。風雨落晴天。

鴈山迷路

借問採茶女。烟霞路幾重。屏山遮不斷。前面剪刀峯。

有天趣

鴈湫白雲菴

飄搖白石梯。試躡蒼龍背。風雨隱寒岩。孤清白雲內。

廣陵有贈

儂住曲江臺。臺門一點開。蛾眉今夜淺。斜月剪江來。

織妍

丁酉三月平昌率爾口號

花明長蕩女。杯開冷水春。一倍登臨處。青山如故人。

千山一酒樓。伐木下長流。一笑游龍縣。為龍向此游。

名〇佳〇

峽山上七里白泡潭為易名紺花

樹光吹峽雨。苔色動江霞。泡影非全白。沾衣作紺花。

快

亦不惡

韶石

舜帝南巡日傳聞此地迴秋風響靈峽還似鳳飛來
謁帝蒼梧道行歌赤水濱樂昌好鳴磬能待有心人
五月奏南薰千秋仰白雲可憐簫管韻不得到徐聞
大聖虛忘味何曾到海涯今朝撫韶石直似見重華

○羅浮夜語憶明德師

半肯自高

夜樂風傳響扶桑日倒流無人憶清淺夫子在南洲

○青霞洞懷湛公二首

幽人

海峭窺石冷山鬼被林幽不為青霞古誰能深夜遊

洞壑隨龍氣丹樓寄晚霞似六川情千秋好流涕湛子不為家

打頓

昨夕波羅峽今宵打頓灘獨眠秋色裏殘月下風湍

曲江

古驛芙蓉外烟林晴欲開曲江秋色晚木末幾徘徊

○夢亭

知向夢中來好向夢中去來去夢亭中知醒在何處

口號戲贈張正郎

客散紅亭酒天寒雲月微何來花燭滿不照粉郎歸

口頭語妙
得神趣

、雪中同張正郎歸思

御溝殘雪色。仙署蚤梅。似少青綾被。為郎獨憶家。

十咏

○信陵君飲酒近婦人

魏國乃為累。萬古悲公子。世上。仙英雄如是死。

、荆卿所待客不至

所待要為誰。造次入重關。壯士有寒聲。心知不復還。

、陸賈不欲數過諸子

留侯世業外。長從赤松子。陸生頗經務。取適得如此。

○通德野田荒艸之泣

精靈費常盡。事去無好美。擁髻一時淚。千古傷心始。

○馬伏波頗哀老子

熱惱願涉適。文淵思少游。慷慨既疇昔。危疑安得休。

○臧子源為張超死東郡

討卓氣已震。拒袁心更悲。但為所知死。寧問所知誰。

、司馬德操謂龐德公妻子作黍元直欲來

世亂難為士。存身各有致。鹿門一輩人。未測語何事。

、魏王分香

國士之感
不必深論

兒女情長

事業易委謝。恩愛難銷沉。虞歌與戚舞。英雄同此心。
謝大傳雅志未遂

四十尚高臥。出處非造次。為語西州人。舊日東山意。
王逸少覺傷哀樂之致

才盡氣亦盡。情事復幾許。大勢老人懷。難與少年語。

○咏懊惱事二首

文宣顧其子。機牙噤不施。大有可憐人。焚香煮藥時。
河北拭甄面。江東泣麗屍。山川半流血。此劫為臙脂。

○○○夜書梅花閣

素月流清墀。夜久光如積。悠然江海心。馮軒此聞笛。

○平昌聞右武被逮慘然作

獨有豐城劍。千秋氣不銷。長平一杯酒。還合祭皋陶。
舊日霜臺使。今當詔若盧。不得飛鳧去。相看啼夜烏。

○題溪口店寄勞生希召龍游

穀雨將春去。茶烟滿眼來。如花立溪口。半是採茶回。
忽忽登樓去。長安五度春。云何冷水店。尚有熱心人。

景州董子宅同高栢庄長者

落日窺園處。秋光繁露餘。不知千歲後。誰復亂吾書。

景真

悲壯

不過切仲
舒耳

奇古

聞說金林
寧謁選者
百計營之
而抽豐者
往往于此
取道臨川
詩一帖清
涼劑也

棒喝

帷開竹林古，書掩玉杯閒。獨有河間獻，英靈時往還。

高唐同計偕嘉興，陳公九德午。火偶一走馬伎

人來侑飯，陳故盛德士。時有故人守高唐，不

受謁為題壁惱之。

穆耳自流悅，傷神常獨恹。定知絲駒唱，未及杞良妻。

越唱長安道，齊趨東郭門。不知簪珥夕，何處可留髮。

○新汲

銅瓶受五升，青絲三合繩。蕩入甌扁裏，蓮花發古青。

看守心施鳥

乞食到人家，家家飯煮沙。尚餘香積米，持施白鳥鴉。

○吳序憐余乏絕，勸為黃山白岳之遊，不果。

欲識金銀氣，多從黃白遊。一生痴絕處，無夢到徽州。

看西域人繡挂肚

手印從加色，娑陀出恨王。至今嘗乳處，猶是鬱金香。

徐聞畱別貴生書院

天地孰為貴，乾坤只此生。海波終日鼓，誰悉貴生情。

觀劉忠愍公手筆口占

危言奉天門，疾雷擊鴟吻。骨肉了無餘，銀鈎見忠愍。

五、字、傷、情、

冬至王江涇舟中送彭直指赴逮

邊鷓風初急。啼鳥日正寒。今朝逢柱後。長是髮衝冠。

似有都船獄。飛霜一詣臺。相逢長至日。難道不然灰。

○○聞及人有以下兆香城訟者

卜兆已下策。訟言無遠情。寸心埋不朽。何必在香城。

○○○別羅敬叔

閱世常高臥。懷人向獨醒。吾衰難一送。號雁遶江汀。

、憶無懷伯宗

抗壯成三友。摧藏見一翁。吞聲九泉下。流淚寸心中。

陰地心地之說

無字不妙

亦苦

、贈龍君揚公子凌玉太和

江上見龍駒。金鱗照紫虛。龍門開日日。何得尚為魚。

快閣一中酒。淋漓醉墨花。池亭開示客。秋影見龍蛇。

龍門低夕照。一柱遠擎天。見說盃中好。還須惜少年。

○○麗水堰堠同呂紹楨王良聘呂故畫史呂紀後

乃云與時貴銀臺。使通籍王先人某進士歿

于孝及之

堰堠響崖谷。懸流松栝清。千秋想盤礴。何知世上名。

王生氣沉俠。世外誰知已。風雨不出山。吞聲堰堠水。

獎許特甚

古絕

楚江四時

波沱楊柳絲崖氣隱天碧好風吹雨來及此歸舟夕
莎淺碧潏潏遠晴山翠新輕波蕩柔櫓江暖最宜人
水痕落空碧紅樹颯披離一種臨風意秋江晚渡時
積雪滿槎枒晦此江山色漠漠漁樵人相望不相識

野意

野照紆寒碧林烟土夕陰終朝采瑤艸不是楚人心

有贈

似笑玲瓏語如啼宛轉歌亦知春色少偏作暮情多

燈曾韵和山子

淚、澆、芙、蓉、錦、心、銷、蓮、蕊、燈、一、春、何、處、好、還、道、去、春、曾、
露、葉、驚、寒、鳥、紗、窓、宿、夜、燈、即、知、花、事、蚤、心、性、為、誰、曾、
月、露、紛、來、下、菱、歌、欲、暮、燈、容、華、江、上、晚、消、息、幾、人、曾、
睡、眠、驚、阿、姊、坐、起、半、帷、燈、只、似、年、時、夢、幽、思、說、未、曾、

哭婁江女子

吳士張元長許子洽前後來言婁江女子俞二娘

秀慧能文詞未有所適酷嗜牡丹亭傳奇蠅頭細
字批注其側幽思苦韻有痛于本詞者十七惋憤

境與情會

幽懷含吐
叶曾字恰
妙

女子善能
傳人王渙
錄宋之問
眼容片紙
千古定評

何也心空
而眼慧也

臨川承知
有今日之
共嗜也

而終元長得其別本寄謝耳伯來示傷之因憶周
明行中丞言向婁江王相國家勸駕出家樂演此
相國曰吾老年人近頗為此曲惆悵王宇泰亦云
乃至俞家女子好之至死情之於人甚哉

畫燭搖金閣真珠泣繡窓如何傷此曲偏只在婁江
何自為情歿悲傷必有神一時文字業天下有不化心人

○癸卯秋宿鍾陵玉嶺公館兒開遠年十六侍憶
予弱冠時過此初移竹置館焉

雲生玉嶺路風遶石壇秋賴此青青色長看小鳳遊

半窓通月色一榻掃眠雲玉嶺多鳴玉瀟瀟是此君

○青閣

明月下青閣遲懽心所娛鳴笙松檜間細與流風俱

、、閱世

偶向交衢立長風吹我襟不知來往客終日是何心

、、蓮池墜簪題壁 有序

余庚午秋舉赴謝總裁叅知餘姚張公岳晚過池

上照影搔首墜一蓮簪題壁而去庚寅達觀禪師

過余于南北部鄒南臬郎舍中曰吾望子久矣因

誦前詩三十年事也師爲作館壁君記甚奇今春
五臺僧樂愚來乞文復棲賢寺修墜簪之約余病
苦恐未能觀厥成感激悲涕是用存其少作奉爲
來因云爾

搔首向東林遺簪躍復沉雖爲頭上物終是水雲心
橋影下西夕遺簪秋水中或是投簪處因緣蓮葉東
四阿羅漢口號

月下了殘經

明暗自一時未斷言語路宵爾月中人下來參文句

禪偈

雪剌

一法不可作煩惱不得絕正好日通紅落盡刀山雪

降龍

鉢小龍亦小龍大鉢即大若作小因緣終成陰器界

伏虎

有勢莫使勢有智莫使智遭際此痴蟲瞞瞪作佛事

○送客九江有謁

候雁三春盡晴雲九疊開祇應湓口月曾見白公來

○銀張詩

有序

淡遠

友人云。世有虎。俵有銀。俵吾宗人家。閩邵峪中有得
窖金歸。忽穢甚不可禁。且小口時有瘵厥。長老云。
是賊窖金時。常苦一人。至求必不得。約之曰。爲我
守窖否。其人應許。復苦之。如是數四。應許畢。之窖
中。遇金者。祭度而後可。朱氏如教。上章曰。汝爲賊
守久。當我得此金。度汝命已。而穢淨病已。朱氏用
富。有中表周氏。遇此度之。終不能得也。反其金窖
中。嗟夫人之于人也。豈不甚哉。作銀俵詩。
死仇爲仇守。俵爾何其愚。一語穴金人。此術定何如。

爲連城道人口占

白石何當煮藍田。未許漿。但服雲霞氣。生身有玉光。

○癸丑四月十九日分三子口占

分器不分書。聊以惠羣愚。分田不分屋。聊以示同居。

劉晉卿年姪來問疾

悽然來問病。滿紙不勝情。異日西州動。餘生識晉卿。
文情不厭新。交情不厭陳。能存先昔友。留示後來人。

○○○訣世語

有序

僕老矣。幸畢二尊人大事。苦塊中發疾。彌留已不

大破結習
覺考亭家
為繁

可起慎終之容。仍用麻衣冠。艸屨。以襲厝。二尊人
之側。庶便晨昏。恒見達人。返虛俗禮。繁窒怪之恨
之。恐遂溘焉。先茲乞免。遂成短絕。用寄哀鳴。

一祈免哭

生平畏聞哭聲。兒女孝敬。自有至性。不可強也。慎

無倩哭成禮。

善哭已無取。佞哀非所懷。帷宮都過密。偏覺有餘哀。

一祈免僧度

僧舊在門下者。無煩俗七。兒輩持半偈齋僧。念心

經數週足矣。

便作普度事。都無清淨僧。灑水奉心經。聊為破暗燈。

一祈免牲

肉食而鄙。六十七年於斯矣。殺業有徵。報何所底。

每見牲奠。腥汚塗藉。大非清虛所宜。乞哀媮遊。幸

免性命。止求蔬水見遺。非徒省穢存潔。亦大為鄙

人資冥福也。更煩屠宰到門。不預乞免者。子為不

孝。

豕首高刺天。羊子隨墮地。何當魂魄前。作此不淨事。

一祈免冥錢

莫者楮幣相見。無煩金銀山錠等物。

○風○刺○生不名一錢。自分作窮鬼。我我金銀山。不如一端綺。

一祈免奠章

人。生。而。偽。聞。譽。則。悅。既。反。而。真。聞。諛。則。赧。往。見。奠

章。誇。揚。爛。熳。長。跪。高。誦。兩。為。失。體。竊。不。自。揣。代。中

表。門。生。預。為。數。語。無。煩。登。軸。第。書。素。紙。奠。畢。焚。之。

殊。覺。雅。便。萬。乞。俯。從。

維某年某月日某某祝曰。惟靈歸虛返真。真顧在

知。媼。遊。良。深。悲。悼。茲。陳。素。筵。附。於。蘭。菊。用。妥。靈

心。嗚。呼。上。饗。

不煩奠者苦。我代作斯文。昨日已陳迹。今日復何云。

一祈免崖木

化者須材。沙木堅厚為度。崖不足眩也。至囑至囑。

千禩同一土。隨宜集沙板。濶崖無厚質。虛花誑人眼。

一祈免久露

地形取遠。所忌無久留。

世故不可測。隨在便安置。借問地上人。安知地中事。

此奠章
五顧撲

之費
奢採以儉
宜著為令

速朽遺意

速故達哉

○忽忽吟 此苦次絕筆在丙辰夏杪望日答門人
甘伯聲
望七孤哀子，笑笑不如死。含笑侍堂房，班衰拂螻蟻。

王荅堂詩集卷之十終

王荅堂詩集卷之十一

七言絕句

臨川義仍湯顯祖著
甄胄天羽沈際飛選

○戲答宣城梅禹金四首

公子翩翩擁雋才，陵陽陌上步春回。竹根如意清談後，蓮子深杯送酒來。

自是吳歛多麗情，蓮花朵上覓潘卿。春妝夜宴憐新

舞，願得為歡送此生。

飛鸞相及竝，栖柯公子乘春艷。綺羅記得長干大，垂

唐絕

孤格老

手秋清木葉水微波。紅壁春殘絳樹樓。援琴促柱倚吳謳。才情好似分流。水却怪盧家有阿侯。○ ○ 黃金臺。昭王靈氣久疎蕪。今日登臺弔望諸。一自蒯生流涕。後幾人曾讀報燕書。

○ 池陽城南

池南三十六青峰。暗與青華色氣重。日暮烟籠片霞。起江光飛滿石門松。

、送趙大歸齊

石林風雨樹蕭蕭。鳴鴈秋生江上潮。何待三周華不注。歸心如海白雲遙。

、送秦次君之汴

朝雲鄣日望南洲。一曲蘭歌清漢流。為過雙溝莫留。悵月明無限吹臺秋。

、別梅固安

黃村別徑曉塵輕。仙令梅生出送行。薄暮離情向汾水。白溝河上遶秋聲。

四首俱得送別情景

送陸生遊齊

涉江送子芙蓉菴楊柳春行綠影潭東去青青莫惆
悵濟南山水似江南

送鄭午陽之文登

為赴東華碧海期紫藤高髻獨行時只應自占崑崙
影白玉臺前映九池

二首似遊
仙

豫章送何貞長遊岳州

平江仙女接陽臺龍影連雲日幾迴為憶故山芝草
長一群鸞鶴聽歌來

武進道中

迎春鄉曲影晴湖苦竹西青接伴奴總為遊人俊鞍
馬貪看忘落髻心珠

艷詩

梁溪

橫山斷尾若龍蹲烟雨平蕪勢獨尊日暮花溪泛桃

意淺

水太湖西去有雙門

宜興道中

金沙的的濺紅顏笑插桃花飄髮鬢遙見隔林人喚
語陌頭回望小心山亦艷

逢賣玉者

萬里于闐片玉輸，到來連日價傾都。安知幾歲金臺下，卞子無緣似賈胡。

○憶丁右武關西

西昆瞰霧隱岷山，爲聽波聲幾歲還。羌笛梅花戍樓裏，可堪春色對吳關。

○看賈胡別

金釵擊鼓醉豪呼，桂樹高樓啼夜烏。不信中秋月輪滿，年年海上看明珠。

有聲調

津西晚望

西津西望綠冥蒙，流水花林秋映空。三峰忽自飛靈雨，凌亂金光日氣中。

送文生九谿

錦袍沾濕醉春殘，細雨梅時江上寒。南北武陵真不遠，何人生入荔枝灘。

王小坏去溧陽

陽羨山光春氣流，平林東望曲壇幽。卽知金碧明湖上，烟雨能開大小浮。

漢成

宋入好詩

雨濕松陵春滿烟。杏花榆莢映新田。不知何處謳歌好。東柵平湖日夜船。

、、、金竹

村鼓壇神六口招。豚肩斗酒去安苗。兒童逐手爭拋食。社長分頭看插標。

行 二首即蒙

○新林浦

凌陽浦里雜花生。曉屋鳴鳩春樹晴。昨夜南溪足新雨。輓轡原土踏歌聲。

○青陽道口

博山橋上晚烟吹。花氣晴雲煖石池。解道青陽人易老。道傍仙冢故纍纍。

、、、宿鍾樓尖

百丈天花散伏龍。青寒殘日映孤踪。松杉半拂歸雲洞。錦繡全開待月峰。

赤鑄山

千將昔比鑄芙蓉。風雨千秋石上松。借問闐門騰虎氣。何如江上鎮蛟龍。

賁

得、此、句、不、呆、

夢日亭

曾借君王七寶鞭，湖陰絳氣屬晴天。如今畫地連江海，祇合長安夢日邊。

穀池店

清弋秋江接賞溪，賞心人望竹園西。青衫草色兼晴雨，白蕩開花山鷓啼。景勝

庚辰再過南陵懷林明府

梅花白石映春林，綠水漳陵思憶深。別後何人見秋浦，娟娟殘月下城陰。

花塘答蘇青陽

岩壑睒矓烟雨初，龍池春色散花餘。遊人自惜三春艸，仙令裁飛玉色魚。

望春

除日迎春春吹開，鳳凰今作望春臺。氤氳淺色含香芷，簌簌浮寒動蚤梅。

廣陵夜

金燈颯颯夜潮寒，樓觀春陰海氣殘。莫露鄉心與離思，美人容易曲中彈。

少靈氣

病酒答梅禹金

青樓明燭夜歡殘，醉吐春衫倚畫闌。賴是美人能愛

惜，雙雙紅袖鄣輕寒。平平

答龍郡丞

楚江春雨入東吳，公子名園興不孤。竹裏紅魚遊聽

使事別而欠靈

曲花間，玉女笑投壺。

○江宿

寂歷秋江漁火稀，起看殘月映林微。波光水鳥驚猶

半能輝

青陽道中

溪山雲影杏花飄，衫袖凌風酒色消。數道松杉殘日

溧陽洞山

瓦屋如雲春作花，華陽絳氣屬青蛇。中開百尺仙人

豫章東湖送客

木葉微波江蚤寒，峩眉秋色醉金鞍。不煩琴曲驚千

即境

里，已看織腰盡七盤。

南康一夕至東流

秋風菊浦猶殘菊，春雪梅林欲破梅。星子縣前明月動，仙人湖上白雲來。

與劉東流

月上仙人綠玉尊，梅潭新月映黃湓。空江不見王孫草，忘却春深五柳門。

自慧

寄林南陵

日飲朝霞春氣開，陵陽仙令築亭臺。至今五色丹泉上，猶似吹簫白鳳來。

○寄林巴陵

漢西門上月華流，澧浦湘君玉佩遊。借問仙鳧何處遠，白雲飛滿洞庭秋。

○莫愁湖

石城湖上美人居，花月笙歌春恨餘。獨自樓臺對公子，晚風秋水落芙蕖。

送人入蜀

隴隴津樹曉帆開，簫鼓秋聲遠岸回。無事江關即惆悵，劔南猶有望鄉臺。

○張老別

空江積雨映朝霞歸去吳淞處士家爛醉莫嫌秋鬢
改尊前重對玉簪花

○送陸生從軍薊門二首

鴉鵲盤雲秋氣清香河飲馬暮嘶聲新穿繡甲花樓
子知是潮河第一營

盤山秋影在盧龍別道烽烟入喜峰但得轅門能拜

將邊牆不用兩三重

寄右武莊浪

蘭州潦遶金城關積石河源星宿間沙塞封侯良自
苦男兒一上燕支山

朔塞歌二首

白道徐流過五重青春繡甲隱蒙茸歸驄莫緩遊鄉
口噪鵲長看小喜峰

獨上偏頭笑一回娘娘灘上繡旗開金珠不施從軍
婦順義夫人眼裡來

○胡姬抄騎過通渭

渭南兵火照城山十八盤西探馬還似倚燕支好顏

數語請
遊事

色秋風欲向妙娥關

河州

連峰萬頃接重臺。陣洒龍門戰血開。積石東頭懸騎入。洮河西畔打鷹來。

○弔西寧帥

峽石千兵歿戰場。將軍不敢治金瘡。籌邊自有和戎使。閣道無勞問破羌。

王莎衣欲過葉軍府肅州

崆峒問道此何時。祁連陣影欲參差。紅塵自蹴燕支

塞。白首高歌王母祠。

○南華寺二首

和尚坐具幾許濶。生龍白象紛來趨。西天寶林只如此。上有菩提樹一株。

禪偈

寂寂寶林雙樹寒。一花千葉向中安。新州百姓能如此。慚愧浮生是宰官。

乳源道中

洞壑闌干滴乳源。湘州一逕古梅村。九仙西北何靈氣。嫋嫋風雲長出門。

廣南聞鴈

傳道衡陽有鴈迴、炎州片影更飛來、似憐遷客思歸、苦為帶鄉心過嶺梅

小金山次蘇長公韻

夕陽烟雨片江開、灩灩寒潮自去來、我亦桄榔菴下、客明珠海上寄蓮臺

石城弔鄒汝愚

花搖城郭異高涼、海氣昏朝陸祿黃、莫為三巴愁客、死還須五日過雷陽

徐聞泛海歸百尺樓示張明威

沓磊風烟臘月秋、叅天五指見瓊州、旌旗直下波千、頃海氣能高百尺樓

白沙海口出沓磊

東望何須萬里沙、南溟初此泛靈槎、不堪衣帶飛寒、色蹴浪兼天吐石花

送賣水絮人過萬州

江西水絮白輕微、殘臘天南正葛衣、見說先朝曾雨、雪檳榔寒落凍魚飛

和宋周太常平昌草堂四詠

題佳八咏
道神酣趣

○鷺洲釣月
冥踏孤舟一釣魚
半鈎新玉挂蟾蜍
猶憐白鷺蕭蕭影
秋老寒塘獨照渠

白馬鞍中畫出雲
誰家伐木帶晴曛
不應長是丁丁響
時有遷鶯斷續聞

吳臯春作

喚起青牛更莫眠
吳臯春雨杏花天
他山種樹能多

少留作陶家酒米田

月崑夜讀

君子山房月倍清
娟娟憐與讀書明
如今更有閑官燭
只聽吾伊三兩聲

和葉可權草堂四詠 平昌

松屋臥雲

樓轉松風韻紫虛
眠雲夜冷晝芙蓉
山中所有應如此
直是江南陶隱居

○竹窻延月

風、靈、娟、娟、浣、竹、林、月、窻、秋、影、夜、來、深、不、知、叢、桂、山、中、
客、長、聽、瀟、湘、雲、水、音、

、荷亭酌酒

酒、是、金、荷、露、滴、成、花、如、素、女、步、輕、盈、西、風、暮、雨、何、辭、
醉、便、向、池、亭、臥、亦、清、

、竹嶼烹茶

君、子、山、前、放、午、衙、濕、烟、青、竹、弄、雲、霞、澆、將、玉、井、峰、前、
水、來、試、桃、溪、雨、後、茶、

、平昌青城山

萬、仞、飛、泉、掛、石、龍、青、城、如、霧、洗、芙、蓉、自、非、仙、令、鳴、琴、
出、誰、闕、秋、窻、玉、女、峰、

、赤壁望浦城

平昌

棲、靈、岩、下、碧、泉、分、石、戶、天、窻、時、出、雲、夜、踏、仙、梯、滿、霞、
氣、海、光、初、映、武、夷、君、

、東梅嶺

平昌

唐、山、三、十、六、縈、迴、逶、迤、徑、如、絲、雲、霧、開、獨、坐、野、棠、春、寂、
寂、幽、香、寒、雨、正、東、梅、

、黃塘廟

山空流火亂螢飄，池上風清酒氣消。四顧沉林雨初歇，平昌令尹聽吹簫。自負

松遂界石鏡

玉輪江上美人精，黃鶴樓西石照明。何似松陰側圓鏡，一溪苔蘚暮灘聲。

遂昌松陽界萬歲山口號山舊名晚翠趙康王

避金騎所棲

來去山前朝暮霞，金光片片石蓮花。如今萬歲山朝北，不似南巡望翠華。

脛

送客信陽謁何太史

直到三鴉九曲河，迴腸一日幾經過。萋萋莫向王孫草，恨這關前春恨多。

廣仁院有序

平昌廣仁院佛殿壁有邑人毛會潛畫一婦

乳兒，夜有兒啼聲，眾怪之。一日僧語會笑曰：

易耳，以筆添乳入口，遂絕。奇事

曾為娥眉斬畫師，千秋能此畫孩兒。自慚遶佛無飛

乳，滿縣兒啼似不知。說得廣普

世間不知
何指但覺
忘語渾融
轉是過唐

○ ○ 湯書所聞答唐觀察

嶺外梅殘髮欲星孤琴搖拽越山青只言姓字人間

有那得題名到御屏屏人日遊

縣小河陽花遍開金盤露冷醉人來也知不厭山公

啓解事長虧女秀才洲熱望官出人手會

蘭署江南花月新封書纔上海生塵心知故相嗔還

得直是當今丞相嗔

一疏春浮漳海涯五年山縣寄蓮花已換姓字無人

識檢點封章得內家太中

○ 東莞鍾宗望帥家二從正覺寺晚眺請達師龕

巖童子銘三絕各用韻掩淚和之不能成聲

天花拂水向城隅八歲西兒爪髮殊解道徃生成佛

子偶然為父泣遺珠

達公金骨也塵沙萬古彭殤此一家恰是鍾情渾忘

却十年紅淚映袈裟

無情帥印有情文水點軍持滴路墳止是金環何用

覓月明吹笛逕山雲

帥從升兄弟園上作

妙在有情
無情之閒

宿草春歸幾醉醒，白頭吟望暮山青。思君小閣東園好棠棣，花前看脊鴿。

池上青山醉倚門，迴車陌巷小遊園。留連未覺鶯花老，桃李深深更一言。

小園須着小宜伶，唱到玲瓏入犯聽。曲度盡傳春夢景，不教人恨太惺惺。為四劇意得

斷霞秋色剪澄江，白鳥晴邀彩筆雙。客去會須酬一醉，枕欹山雪夜鳴窻。

九日聞鍾宗望文昌橋畔思鄉

自作新橋俯碧湍，曾無高客淚闌干。何來嶺外思公子，露泣夫容怨蚤寒。臨水登高秋復秋，二從相殫好遨遊。不應幾滴黃花酒，技向新橋作淚流。雅諱

○送宗望

池上新歌遶翠盤，石梁斜月帶征鞍。初歸嶺外無炎熱，飽向江鄉承露寒。

玉茗池頭銀燭光，芙蓉清露濕衣裳。思君獨向章門

去，八月乘槎牛斗傍。

何處清光不可留。亂帆楓葉最宜秋。非因久客無知已。公子年來欲倦遊。每逢相見即依然。公子思歸鴻鴈天。嶺外夢魂江上月。不堪今夕是離筵。

戲寄右武

右武將軍入浚稽。戈鋌如雪照天梯。西峰大有蓮花寺。欲夢蘇卿湖水西。

○平昌河橋縱囚觀燈

選縣笙歌一省囚。寂無燈火照圓扁。中宵撒斷星橋

星橋一本作天河

鎖貫索從教漏幾星

○平昌君子堂

君子堂前煙樹齊。山炊水碓盡橋西。庭中有訟多蕉

循只在眼

鹿市上無誼少鬪雞

○除夕遣囚

平昌

除夜星灰氣燭天。酴酥銷恨獄神前。須歸拜朔遲三日。盍見陽春又一年。

石牛渡菴

枕帶河橋傍夕醺。石牛風起過殘雲。不知簷外千竿

臨川公作
實乃爾不
魏萬家香
八詩亦非
浪傳者矣

雨和夢蕭蕭得此君

聞谷南高卿起武岡

年少何須卽挂冠，玉人無恙繡袍寬。
扶顏欲問丹砂水，離夢先過孔雀灘。

芳草佳期與夢迴，綠波春色照雲開。
賈生西上知何日，千古沉湘一到來。

自傷

送朝海僧

盡洗凡心悟莫洗愚，海門東去探明珠。
毒龍正在波濤處，便好隨流過鉢盂。

嶺外送客平樂下第

南行三十六灘瀧，依舊龍門得化龍。
別有清湘起愁色，踏歌人望九疑峰。

題雙輪走馬燈

一篝燈影亂輪蹄，一片東征一片西。
好似咸陽烽火夕，楚騅歸去漢龍嘶。

粵裝偶見祁美仲刀子

桂瘴來時青氣深，七星巖畔寶刀沉。
交遊半百逢生死，燕市悲歌一片心。

銘寫胸臆

始興舟中

石墨畫眉春色開，有人江上寄愁迴。
轉風灣底曾迴燭，新婦灘前一咏梅。

夜泊金匙

涼日蕭蕭懶步灘，扁舟黃葉映秋殘。
叢祠海客饒歌舞，銀筴金匙醉不難。

借字

過曲江

去鴈已開梅嶺雪，歸舟猶帶海人煙。
青臯雨過如鋪粉，會是韶陽種乳田。

○夢譚見日祁羨仲韓博羅區海目如昔時下第

出長安潞河雪舟言別成韻後絕余和者羨仲

拋盞落地愴然罷，起覺而紀之

菰蘆半醉雪花飛，夜起清寒話入微。
共道梅開春色蚤，那堪人去直春歸。

姓氏

羅浮見日吐精熒，更直韓區好弟兄。
手攬敝貂成一笑，長年風雪此中行。

看番禺人入真臘

檳榔舶上問郎行，笑指貞蒲十日程。
不用他鄉起離

思總無鶯燕杜鵑聲
聽香山譯者

占城十日過交欄
十二帆飛看溜還
握粟定留三佛
國采香長傍九州山
花面蠻姬十五強
薔薇露水拂朝粧
盡頭西海新生
月口出東林倒挂香。

嶺南踏踏詞

女郎祠下踏歌時
女伴晨粧教莫遲
鶴子草粘爲面
鬻石榴花揉作胭脂

笑倩梳粧阿姊家
暮雲籠月海生霞
珠釵正押相思
子匣粉裁拈指甲花
俱是實錄

恩州午火

逐客恩州一飯沾
伏波盤筍見纖纖
炎風不遣春銷
盡二月桃花絳雪鹽

石城送蜀客梧州

春到回龍傍鬱林
亂藤煙月送猿吟
鵲聲莫更逢三
月銷盡同鄉九折心

爲徐聞鄧生懷其尊人靖州

春半黔中花木殷日斜江上武陵蠻披衣看取湘雲色浪楫長歌山外山

○徐聞送越客臨高寄家雷水二絕

珠崖如困氣朝昏杳磊歌殘一斷魂但載綠珠吹笛去買愁村是莫愁村

一曲明珠老會稽客行長憶夜烏啼瓊潮不解人朝夕半月東流半月西

○徐聞熊明府以雞舌贈別期復為郎也却贈

鸚鵡螺盃尖易行酒魚子箋灰難草麻三省郎官事已

往與君吞却沈香花其神傲遠

宗望酒中言別

三秋一日見歸期忍淚河梁步欲遲更向章門一盃酒暮雲秋色過江時

久客逢秋心易傷新聲還此盡離觴休將半路梅花嶺夢斷相思玉茗堂

帥從井赴省試問開遠兒何日往

江外閑題一葉書紅裙愛子戀何如章門最近龍門路未敢爭先八月初

大款近自
然

江中見月懷達公

無情無盡恰情多，情到無多得盡麼。解到多情情盡處，窺得宗風月中無樹影無波。

○聞許伯厚入都

木末寒生水氣清，吳西烟雨最含情。秋風俠骨雲霄裡，河外江南寄一聲。

矯然

○關南上橋寺候黃觀察善卿殯不至湯占

不可攀留夢已殘，殯虞歌斷五更寒。黃泉咫尺淹如此，得似人間行路難。

懷貞父長安

御溝晴雪過啼鴉，猶自空啣帶粉衙。何似與君沾醉起，孤山月下看梅花。自○然○

再覲回宿龍潭驛 戊戌

誰向歸舟唱一聲，玉蘭花盡牡丹榮。似憐遊子春三月，纔換江南第一程。

夜聽松陽周明府鳴琴四曲

瀟湘雲水

月白霜寒夜欲沈，美人高燭映琴心。不知堂上松風

就題點綴可觀

王若堂詩集 卷十一
起半是瀟湘雲水音

天風環珮

翠殘香鼎燭凝紅。起視閑庭霜月空。未合清音轉嘹唳。玉人環珮正秋風。

漢宮秋

千門河漢夜雲收。風起高堂燭艷流。直是井梧心不。歎聲聲還泣漢宮秋。

梅花弄

巖城霜漏隱疎笳。堂上尊殘片月斜。爲聽主人寒絕。

處一溪煙水半梅花

○出松門回憶琴堂更成四絕

依依約約夜絃分。張到瀟湘水接雲。怪得暮寒修竹裡。楚山容易泣湘君。

竹梧秋露冷泠泠。環珮天風欲杳冥。彈到夜鴻飛不起。却教中散帶愁聽。

玉堂無樹不驚風。偏有秋風入漢宮。滅燭露寒清漏曉。聲聲流絕夜絃中。

夜水寒雲半欲參。聲聲離鴈起江南。誰憐獨照高堂

影三弄梅花也不堪

○韶陽夜泊

秋光遠送芙蓉驛亂石還過打頓灘獨棹青燈紅樹
裡露華高枕曲江寒

德叶

、清遠送客過零陵

清遠江前唱竹枝香爐峽口暮風吹看君不盡愁雲
色直望蒼梧似九疑

○湘陰曲有贈

鄉泉釀酒作茶糜鴛鴦井上曬臙脂獨夜湘臯采蓮

子何處聞歡歌竹枝

姿韻依然

○送袁生謁南寧郡

白髮孤遊銅柱西瘴來江影似虹霓千山落日無人
語榕樹蕭蕭倒挂啼

、送武陵陳判之鬱林

鄉樹秦人隔幾重鬱江秋煖衣芙蓉參差人面能人
語怕不如無人語是猩猩樹底逢

、送林貴縣

蒼梧猿斷泣湘君人向清潯逗日曛直下寶江明月

影能開二十四峰雲

小孤夜泊

小姑廟前迴夜舟，風起哀歌神女遊。
灩灩落霞臙脂港，娟娟新月蛾眉洲。

淮清橋弔許公

玉璽勤王路已窮，寶釵猶在翠微空。
涓涓幾尺淮清水，流向江東許侍中。

高座寺為方侍講築坐臺

有引

方家女種落教坊，年年踏青雨花臺上望。

悲之曰：我祖翰林君也，雙梅樹為記。因地入梅都尉家而醉絕，予為植其墓，有田春秋祠之。教坊人先已為李道父郎中放其籍，嫁商人矣。

碧血誰裁雙樹栽，為瑩相近雨花臺。心知不是琵琶

○意痛

女寒食年年挂紙來

趣筆

宿草悲歌日欲斜，清明不哭怕海家。不知都尉當年

死也似梅花近雨花

都尉亦死靖難

一種寒梅似白楊，墓門不閉返魂香。雨花臺上春愁

此擬傷絕

客只似遊湖看岳王

拾芝偶有所繾恨不從予同達公遊為詠此
扁舟予在水雲間汝逐嬌歌去不還今夜紙牕陪笑
語一燈分照萬重山

樓外二首

樓外珠簾瞰碧江鏡前紅袖立紗窻教將侍女高檠
燭怕見新歡影一雙

洞房春淺似桃源蘭檻幽暉映雪痕臥向枕障時有
態起看粧鏡欲無言

香奩詩

○答無懷

新雨無人髮未梳得來池上故人書高風六月宜棲
息秋水來時同看魚濠間濮上想

○雨蕉

東風吹展半廊青數葉芭蕉未擬聽記得楚江殘雨
夜背燈人語醉初醒

隱約妙

○醉答君東

玉茗堂開春翠屏新詞傳唱牡丹亭傷心拍遍無人
會不平自掐檀痕教小伶

淺作殘
光一作影

七夕
露冷風淺月光微今夜南枝鵲不飛慣向人間窺贈
枕閑從天外看支機

八月三日吳觀察得月亭夜宴

水遶芙蓉竹遶堦酒泉香濕看書齋主人舊帶銀鈎
手亭子新鋪得月牌

少婦嘆三首

長安少女嫁南郎指道高遷卽帝鄉十七年來彈淚
盡却隨回鴈寄衣裳

唐絕

少女思歸一倍愁教臺傷築望京樓閑來只索圖西
笑夫婿何因得上頭

時時作話不教多帝里餘生定一過獨笑酒醒涼炕
上錯呼燈影送鳴珂

寄甘子開

傷巧

聞君何事不爲霖映帶江山托臥深人日西頭送歌
舞一聲吹斷碧雲心

人日

風光人日最宜春暫與登高醉一巡獨笑歌人還未

老、惟、應、老、却、聽、歌、人、會、盡、人、生。

○飲青來閣卽事六絕

諸絕皆有鞦韆句前三絕居勝

春風醉客倚闌時、樓外鞦韆出柳絲、解折細腰拋更遠、風前長袖拂鶯兒。

春過睥睨繡牕前、斜日霏霏艸樹烟、綽莫亂紅驚燕起、折腰人送畫鞦韆。

城南烟色遠萋萋、高宴城隅日未低、最是一春撩落處、鞦韆斜月畫樓西。

大好今年寒食天、夕陽樓外看鞦韆、春衫馬上年年

客今日長安醉夢邊

風烟如此亦江山、滿目春心不閉關、爲道周郎長謝

客三層樓上殢紅顏

東南山色翠透迤、日照西陵上酒遲、看罷鞦韆微有恨、不敲方響出紅兒。

江山圖

大現成

地折東南一半無、天傾西北幾雄都、秦皇不合求仙去、眼見江山是畫圖。

○戲答無懷周翁宗鎬六首

金石心情好奈他一春開得幾巡花何消促膝分明
語總是奴家與婢家

前君偷送寶鑪書小婦窺牕總破除武帝未能餐宛
若文君終是損相如

平昌金礦浸河車曾道飛燒入用佳中使只今堆白
雪衰翁幾日試黃芽

無病還應學病人水牕山館四無隣胸中解貯神仙
字大要清齋却五辛

朝朝池上看魚兒遶長風輕楊柳絲二十年前曾一

感礦事

長生妙訣

醉御溝融雪下朝時
雲路烟波咫尺間兩人憔悴舊江山重來只話尋常
事落日墟頭酒未慳

過北鄉神橋

野老相逢秋色孤大荷溪鳥沒菰蒲輕烟欲露蟬
嶺片月能生巧子湖

劉君東病足遠遊樓寄問二絕

遠遊絲履遠遊冠風月樓中入望寬便道主人饒濟
勝不將山水換長安

巖岫風烟四望深，花枝伏檻滿樓陰。不應婚嫁尋常事，大要羈遲白髮心。

○醉答君東怡園書二絕
透迤原是世中情，脫畧還疑身後名。俠骨從來重歌舞，白忙閑殺舊東平。

樓觀光陰十畝間，蟠龍織翠入樓山。偏爭雪後饒歸興，大向春深欲閉關。

、、寄生脚張羅二恨吳迎旦口號
迎病校唱紫釵客有掩淚者近絕不來恨之

情場韻事

吳儂不見見吳迎，不見吳迎掩淚情。暗向清源祠下，
呪教迎啼徹杜鵑聲。
宜伶祠清源師灌口神

○庚子七月晦吳觀察得月亭舉燭沾醉云各有
子秋試望之悵然成韻四絕

同君蚤歲問姮娥，此夜亭看桂影波。何物向人偏灑
灑酒杯先月占圓多。

面面荷心滴露臺，娟娟得月水亭開。亭前逐夜飄香
舍秋賦

氣會是吳家斫桂來，
晦色平波月不流。高情來坐此中幽，夜荷風露銀燈

灑逸

燁猶照深杯水檻頭

燈回林岸綠烟稠幽鳥喧棲螢亂流自後主人饒得

月不知何客最宜秋

庚子八月四日五鼓忽然煩悶起作同前得月亭詩遂成

亡遽詩
讖傷哉

山川宅占渾難見天地才殊也未憑蘸得英雄成夢

境封侯箭裏讀書燈

重得亡遽詩

文章法裡兼諸品經濟談中得幾分正道老成扶帝

西河之慟
臨川最切
詩數十首
幾不擇音

其成
又者

制誰教年少作修文

久不來傍見亦嘆坐來風調覺偏親如今滿屋無知

已解得吾狂是別人

亡遽四異

朔夜中堂卜竈行如鼯如恨徹明聲不知是汝魂先

到還是亡荆氣不平徵異不可以詩論之
八月朔忽自不擇卜竈問試事
東出聞人云我止有銀四分九

釐那知是四分別久離也通夕聞恨聲
甚慘登梯掘雷不見來處晨炊乃止

黃蛇朔五隊堦前汝夢黃蛇飛上天恰是病來初七

日肯教人不信因緣七月五日玉茗庭前斃一蛇兒
便六日在南都夢黃蛇上天七

日病瘳下兼瘧驟服參朮未
健入試過中元一日不起矣

紙筆俱飛作片霞夢餘人道好生涯不知自在王何
在豈有文章號覺華兒夢一王者名覺華自在王借其紙筆不與已而紙筆自飛去

後以覺華編名其文識耶

覺華文字儘流傳萬選精輝有半千兩字合來成故

物夢人曾施古文錢兒夢拾古錢故字也

長卿苦情寄之瘍筋骨段壞號痛不可忍教令

闔舍念觀世音稍定戲寄

智慧生成護白衣更緣諸漏密皈依骨因何

不不俗

起、懺、悔、心、隨、雲、雨、飛、

臥、具、隨、身、醫、藥、扶、到、頭、能、作、壞、僧、無、猶、餘、十、瓣、青、蓮、

爪、長、向、天、花、禮、數、珠、

四、大、乘、風、動、海、潮、秋、前、移、病、對、芭、蕉、不、知、一、種、無、名、

恨、也、向、蓮、花、品、內、消、

懷龍身之蕪陰舊遇因時有皮寨之役感身之

前平五開有云

累句

龍、伯、空、江、引、釣、絲、掣、鰲、無、奈、黑、風、隨、幾、回、赤、鑄、山、前、

立、恰、是、秋、風、鳴、劍、時、

姑熟秋江白紵催風波一落更難回五開銅鼓知何
意謾入乖龍耳後來

○君東病足戲為臨川之約

遠遊名字入樓清面面江山看雨晴賴是年來雙脚

穩俗人行處不曾行

春光原只被花催不解將人笑口開但得素心人在

眼十年蒼髮一時回

諸生時同周明行天寧寺房頭不見

少小能為文字禪硯池花雨竹牕前海珠夜落蒼龍

影淚向誰家一滴泉

○再寄身之

都慳遊興十年前世路風雲已隔天尚憶一尊梅嶺

下春衣快閣偶停船

聞兄坐起要人扶還自高歌舞鷓鴣一別楚天如夢

裏妓衣燈火記于湖

○夢回

海天星月動沉沉玉女雙窺碧落深跼答一聲金磬

曉醒時心換醉時心

面面一作四壁

不復有餘乃妙

輕倩

破夢

○懷身之初度并弔楊臨臯監軍

半百龍生又十年、遶天兵甲在西川、湘江一笑平蠻、
客快閣秋風得醉眠、

淡妙

龍生六十看人間、兩足雖殘髮未班、獨恨泰和好鷄、
酒臨臯生欲去平蠻、

、王孔丞哭遽

才子高名自一時、年來死別間、生離秋風老淚枯、何
處露濕庭前青桂枝、

、病齒笑答

徵角清吟齧不辭、恐緣微細得參差、不如換與鄰舍
笑解唱江南啄木兒、

○辛丑社日至良岡憶壬申數年事、泫然口號

十上曾歸此讀書、病妻羸女正愁予、重來眷屬俱黃
土、夜雨燈花酒淚初、

、辛丑大計聞之啞然

孫劉要使不三公、點滓微雲混太空、比似陶家栽五
柳、便無槐棘也春風、

○人遺湘紋笛材、內子持作筆、問之

讀有齋

折雨裁雲風露清斷腸千點寄江城便饒寫盡湘臯色何似還他雲漢聲

○代答

解作參差凌紫霞湘靈終是怨懷沙不如剩取摛殘錦夢裡同看五色花

都佳

、閨閣中嘆雨

青天遲日太匆匆一歲春光雨和風萬樹千花猶有嘆兒家一樹寶珠紅

玉茗堂詩集卷之十一 終

